ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ ВАЗИРЛИГИ БУХОРО МУХАНДИСЛИК-ТЕХНОЛОГИЯ ИНСТИТУТИ

Гулчехра НАВРЎЗОВА

АБДУЛХОЛИҚ ҒИЖДУВОНИЙ

(Монография)

«Имом Бухорий халқаро маркази» нашриёти Самарқанд – 2020 УЎК 28-725(091) КБК 86.38г H-14

Абдулхолиқ Ғиждувоний (Монография) Матн / Гулчехра Наврўзова. – Самарқанд: Имом Бухорий халқаро маркази, 2020. – 108 б.

Мазкур монографияда Бухорои Шарифнинг биринчи пири Абдулхолиқ Ғиждувонийнинг ҳаёт йўллари ва маънавий мерослари ҳақидаги манбалар асосида маълумот берилган. Монография ислом тарихи ва манбашунослиги, тасаввуф таълимотининг тадқиқотчилари ҳамда мазкур масалалар билан қизиқувчи кенг китобхонларга мўлжалланган.

Масъул муҳаррир: **Ҳайдархон Йўлдошхўжаев,** тарих фанлари номзоди, доцент

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2905-сонли хулосаси асосида тайёрланди.

Бухоро муҳандислик-технология институти илмий кенгаши томонидан 2019 йил 29 ноябрдаги 3-сонли баённомасига асосан нашрга тавсия этилган.

ISBN 978-9943-6161-7-2

© Гулчехра Наврўзова © Имом Бухорий халқаро маркази – 2020

кириш

Ўзбекистон Республикаси Президенти Ш.М.Мирзиёевнинг 2017 йил 11 июлдаги Ф-4988-сонли "Абдулхолиқ Ғиждувоний таваллудининг 915 йиллигини ва Бахоуддин Нақшбанд таваллудининг 700 йиллигини нишонлашга тайёргарлик кўриш хамда уни ўтказиш тўғрисида"ги фармойишининг ижросини таъминлаш мақсадида қабул қилинган Бухоро вилояти хокимининг 2017 йил 14 июлдаги 441-қарорида бутун умрини инсоният маънавий-рухий камолоти йўлига бағишлаган буюк ватандошларимиз Хожаи Жахон номи билан маълум ва машхур Абдулхолиқ Ғиждувоний ҳамда Баҳоуддин Нақшбанд ҳаёти ва фаолиятини, улар қолдирган бой илмий-диний хамда маънавий-маърифий меросининг инсонпарварлик мохиятини чуқур ўрганиш, шу асосда халқимизни, айниқса, ўсиб келаётган ёш авлодни миллий ва умуминсоний қадриятлар рухида тарбиялаш зарурлиги таъкидланган. Президентимизнинг фармойиши ва вилоят хокимининг қарори ижросини таъминлаш максадида биз Абдулхолик Ғиждувонийнинг хаётлари ва меро сларини манбалар асосида илмий тахлил этиб, бу монографияни ёзишни ўз олдимизга максад килдик.

Абдулхолиқ Ғиждувонийга доир манбаларни қуйидагича таснифлаш мумкин: Биринчи даражали асосий манбалар – Абдулхолиқ Ғиждувонийнинг ўзлари ёзган, яъни у кишининг қаламига мансуб асарлар: "Васиятнома", "Одоби тариқат", "Рисолаи васоё", "Ибтидои жомеъ ул-калон", "Рисолаи соҳибия", "Мақомоти Хожа Юсуф Ҳамадоний", "Рисолаи фуқа-

роия", "Рисолаи шайх уш – шуюх хазрат Юсуф Хамадоний" ва номаълум муаллиф томонидан ёзилган "Аз гуфтори Хожа Абдулхолиқ Ғиждувоний" асарларидир. Иккинчи даражали асосий манбалар – Абдулхолиқ Ғиждувонийнинг ҳаёт йўли ва таълимотларига оид манокиб, макомот, тазкира ва рисолалар: Ориф Ревгарийнинг "Орифнома", Мухаммад Порсонинг "Фасл ул-хитоб", Шайх Ахмад Бухорийнинг "Маслак ул-орифин", Абдурахмон Жомийнинг "Нафахот-ул унс", Алишер Навоийнинг "Насойим ул-мухаббат", Фазлуллох ибн Рўзбехоннинг "Манокиби Хожа Абдулхолиқ Ғиждувоний", Али Сафийнинг "Рашахот айн ул-хаёт", Махдуми Аъзамнинг "Манокиби Хожа Абдулхолиқ Ғиждувоний", Тохир Эшоннинг "Тазкираи Нақшбандия", Мухаммад Толибнинг "Матлаб ут-толибин", Носириддин ал-Ханафий ал-Хасаний ал-Бухорийнинг "Тўҳфат уз-зоирин", Муҳаммад Дорошукухнинг "Сафинат ул-авлиё", Ғулом Сарвар Лохурийнинг "Хазинат ул-асфиё", Халил Иброхим Сорий ўғлининг Салох ибн Муборак Бухорийни "Анис ут-толибин ва уддат ус-соликин" асарининг нашрига илова этган илмий мақоласи, Васлий Самарқандийнинг "Назм ус-силсила", Саъид Нафисийнинг "Рисолаи сохибия" га муқаддимаси ва бошқалар.

Учинчи даражали манбалар – Абдулхолиқ Ғиждувонийга бағишланган диссертация, у киши таваллудининг 890 ҳамда 900 йиллиги тантаналари муносабати билан нашр этилган илмий мақола, рисола, анжуман тўпламлари ва илмий асарлар. Бундай асарлар муаллифлари сифатида Нажмиддин Комилов, Муҳаммад Болтаев, Маҳмуд Ҳасаний, Каромат Қиличева, Мавжуда Раззоқова, Ориф Усмон, Шайх

Муҳаммад Содиқ Муҳаммад Юсуф, Садриддин Салим Буҳорий, Самад Азимов, Баҳодир Қазоқов, Фотима Тимур, Убайдулло Қосимов, Ойгул Шарипова, Сайфиддин Сайфуллоҳ, Нодирҳон Ҳасан, Иброҳим Ҳаққул, Султонмурод Олим, Мирза Кенжабек, Нигора Сафарова, Ибодат Ражабова, Нигора Нурматова, Ғуломҳон Ғафуров, Мансуржон Азим ўғли, Эркин Зоиров, Гуландом Юнусова, Давронбек Қодиров, Ўғилой Мавлонова, Комилжон Каттаев, Ҳамиджон Ҳомидий, Холида Раҳматова, Мавлуда Раҳмонова, Азалшоҳ Ҳамроев, Эргаш Очилов ва бошқаларни алоҳида тилга олиш зарурдир.

Абдулхолиқ Ғиждувоний таваллудининг 900 йиллигига бағишлаб, Ўзбекистон Республикаси Фанлар Академияси "Фан" нашриёти Абу Райхон Беруний номидаги Шарқшунослик институти олимларининг бир неча рисолаларини чоп этдилар. Булар Ориф Усмоннинг "Ғиждувоний таълимоти", Маҳмуд Ҳасаний ва Мавжуда Раззоқованинг "Ғиждувоний ҳақида рисола ва мақолалар", Маҳмуд Ҳасаний ва Каромат Қиличеванинг "Ғиждувоний илм аҳллари хотирасида" асарларидир. Шу билан бирга "Мовароуннахр" нашриётидан Ориф Усмоннинг "Шайх Абдулхолиқ Ғиждувоний" номидаги илмий-оммабоп рисоласи чоп этилган.

"Ғиждувоний илм аҳллари хотирасида" деган рисолада Абдулхолиқ Ғиждувоний ҳақида Муҳаммад Порсо, Абдураҳмон Жомий, Али Сафий, Муҳаммад Толиб, Носириддин ал Ҳанафий, Муҳаммад Дорошукуҳ, Ғулом Сарвар Лоҳурий, Халил Иброҳим Сори ўғли, Васлий Самарқандий ва Саъид Нафисийнинг Ғиждувоний ҳақидаги маълумотлари келтирилган.

Абдулхолиқ Ғиждувоний ҳаёти ва таълимотига оид асосий манбалар ва уларнинг таржимаси, илмий ва бадиий тадкикотлар асосида бу улуғ зотнинг туғилишлари, устозлари, маънавий мерослари, хаётбахш ўгит ва рубоийлари, тасаввуфга оид айтган ғоялари, устозлари Юсуф Хамадонийга бўлган эхтиромлари, у киши асослаган хожагон таълимоти мохияти, бу улуғ зот киритган тўрт хаётбахш рашха, шогирдлари Ориф Ревгарийнинг эътирофи, хаётларига доир ибратли ривоятлар. Бахоуддин Нақшбанднинг рухий устози эканликлари ва вафотлари ҳақида имкониятимиз доирасида ёзиб, бу табаррук зотнинг хаёт тарзлари, маънавий даражалари, нурларидан хозирги ва келажак авлодни бахраманд қилишни ният қилдик. Бу монографияни ўқиган инсон Абдулхолиқ Ғиждувоний каби улуғ ва табаррук зотга Мухаммад (с.а.в.)га берилган илохий, асл хакикий нурларнинг силсилаи шариф орқали келиб етган шуълалари ва файзларидан бахра олишларига умидвормиз. Асарни тайёрлашда устоз Махмуд Хасаний таржима этган асарлардан фойдаланганлигимиз үчүн у кишига Оллохдан алохида ажр тилаймиз. Монографияни тайёрлашда холис, самимий ёрдамини аямаган Дилбархон Акобировага ҳам ўз миннатдорчилигимизни билдирамиз. Ишимизда айрим камчиликлар бўлса, олдиндан Сиздан үзр сўраб, фикр – мулохазаларингизни кутиб қоламиз.

хожаи жахон тавсифи

Хожаи Жаҳон номи билан машҳур Хожа Абдул-холиқ Ғиждувоний Силсилаи шарифдаги ўнинчи ҳалҳанинг пири, Бухорои шарифдаги "Етти пир"-нинг биринчиси, хожагон таълимотининг асосчисидир.

Абдулхолиқ Ғиждувоний бўйи узун, бошлари катта, буғдой рангли, қалин қошли, чехраси чиройли, кўкрак ва елкалари кенг бўлган. У киши донишманд зот эди. Асл исмлари Абдулхолиқ бўлиб, Ғиждувонда туғилганликлари учун Ғиждувоний дейдилар. Камолотни юксак даражасига етганликлари ва бутун бани башарга Ҳақ йўлини кўрсатганлари учун у кишини Хожаи Жаҳон, яъни бутун жаҳоннинг хожаси деб атаганлар. У киши туфайли Ғиждувон шаҳрини ҳам Хожаи Жаҳон номи билан тилга оладилар.

Ориф Ревгарий Мохитобон ўзининг "Орифнома" асарида Хожаи Жахонни "Маъдани ҳақойиқ, толеъ ул-алойиқ, жаноби фоиқ, кошифи субҳоний, дину дунё шайхи, муқтадоси ва мавлоноси", "муршид ал-халойиқ", "зоҳири ботинига мувофиқ", "тариқат аҳлининг раиси, зоти бобаракот", соҳибкаромат сифатида тавсифлаган.

Муҳаммад Порсо "Фасл ул-хитоб" асаридаги "Баъзи аз маноқиб ва шамойили ҳазрати Хожагон" ("Ҳазрати Хожагоннинг баъзи маноқиб ва шамойиллари" борасида) деган бобда Абдулхолиқ Ғиждувонийга қуйидагича таъриф берганлар: "Хожаи Жаҳон ҳақиқий шайх, ҳаққоний қутб, нурларнинг тулуъ қилиш манбаи, сирларнинг маҳзани, маънолар ҳақиқатини кашф қилувчисидир. Ҳазрати Хожа Абдулхолиқ Ғиждувонийнинг равиши, йўли тариқатда

хужжатдир ва барча гуруҳлар наздида мақбулдир. Ул зот доимо сидқу сафо билан Мустафо (с.а.в) шариати ва суннатига тобеъликка, бидъат ва ҳаводан қочишга интилган, ўзининг пок равишини ғайриларнинг равишидан пинҳон тутганлар".

Махдуми Аъзамнинг "Манокиби Хожа Абдулхолик Ғиждувоний" асарида Хожаи Жаҳоннинг камолот даражалари ҳақида қуйидаги маълумот берилган: "Орифлар султони, Ҳак йўлининг намоёндаси, машойихлар оламининг Шайхи, раҳм-шафқатни хорликдан устун биладиган, Раббоний илмнинг буюк ғаввоси, қутби замон Хожа Абдулхолиқ Ғиждувоний авлиёи замон ва тариқат илмининг асосчиси бўлган.

Муҳаммад Толибнинг "Матлаб ут-толибин" (Толибларнинг мақсади) асарида Хожага қуйидагича тавсиф берилган: "(Хожа Абдулхолиқ) зоҳирий ва ботиний илмни эгаллаган, муфассир ва муҳаддис олим эдилар. Ўз ҳолини ҳалқдан яширин тутар эдилар".

Тоҳир Эшоннинг "Тазкираи Нақшбандия" асарида Хожаи Жаҳонга шундай таъриф берилган:

Дар шариат фариди вақту замон, Дар тариқат вахиди қутби макон. Дар рахи фақр ҳамчу шоҳ омад, Бар дараш чун гадойи моҳ омад.

Мазмуни:

Шариатда вақту замоннинг ягонаси, Тариқатда маконнинг ягона қутби. Фақр йўлида шох каби келди, Аллох эшигига тазарру билан ба мисоли ой каби келди. Яссавия тариқатида бўлган ҳазрати Занги Ота силсиласидаги машойих Султон Аҳмад Хазиний "Манба ул-абҳор фи риёзул-аброр" (Яхшилар боғларидаги денгизлар манбаси) асарида Буҳорои Шарифнинг биринчи пири Абдулҳолиқ Ғиждувонийга қуйидагича тавсиф берилган:

Хожа Абдулхолиқ ул пири Худо, Нақшбандияда шайхи порсо.

Рухи ўлди Мир Бахоуддинга пир, Мир Бахоуддинга удур дастгир.

Хафияда рахдону бир пахлавон, Гиждувонда муқтадои навжавон.

Ғиждувон ул Хожадин хайрул билод, Мақдамидин маъбад аҳли рашод.

Каъбаи арбоби дилдир марқади, Қиблагох аҳли ирфон машҳади.

Нақшбандия унингла сарафроз, Чашмаи ахфосидин дарёи рост.

Халил Иброхим Сорий ўғли Ғиждувонийни шундай тавсиф этган: "Абдулхолиқ ўз халафлари бўлмиш Нақшбандийларкабиўртачайўлтутувчи сўфийлардан эди. У суннат ва шариатга доимий амал қилувчи эди. Жахрия зикрига мункир эди. Хуфия зикрини зикр деб биларди".

Абдулхолиқ Ғиждувонийга оид манбаларни таржима этган олим Маҳмуд Ҳасаний 110 мисрадан иборат Ғиждувоний ҳақида қасида ёзган ва унда Хожани жуда гўзал услубда тавсифлаган. Хожаи Жаҳон тавсифини шу қасидадан олинган парча билан якунламокчимиз:

Тариқати Хожагон сардори Ғиждувоний, Ушбу йўлнинг қуввату мадори Ғиждувоний, Тасаввуф бир боғ бўлса баҳори Ғиждувоний, Дил уйининг сафоси-оҳори Ғиждувоний, Олимлар ичра дурри шаҳвори Ғиждувоний.

ТУҒИЛИШГА ОИД КАРОМАТЛАР

Абдулхолиқ Ғиждувоний 1103 йил Бухоро вилоятининг Ғиждувон туманида таваллуд топганлар. Хожа Абдулхолиқ Ғиждувоний "Мақомоти Юсуф Хамадоний" асарларининг "Шайхнинг Самарқандга келиш сабаби" бобида ота-оналари ҳаҳида маълумот берганлар. Манбада ёзилишича: "Малатя (Туркиядаги шаҳар)да Имом Молик наслидан Абдулжамил исмли бир юз ўн уч ёшли бир одам яшар эди. У Хак таолодин бир солих фарзанд тилар эди. Ўша даврда Малатя подшохига қарши душман пайдо бўлиб, уни мамлакатдан қувиб чиқариб, Малатя мулкини эгаллаб олади". Имом Абдужамил подшохга тож-тахтини қайтариб олиб беришга ёрдам беради. Малатя подшоси ўз қизини Имом Абдужамилга никохлаб беради ва Имом Абдужамил рафикалари билан Бухорои Шарифнинг Ғиждувон мавзесига кўчиб келадилар. Буларга Аллох ўз даргохидан ўғил фарзанд ато этади ва унга Абдулхолиқ – яъни Холиқ – Парвардигори олам, бутун борлиқни яратган, халқ қилган зотнинг бандаси деган гўзал исм қўядилар.

Абдулхолиқ Ғиждувонийнинг оталари Имом Абдулжамил ва оналари Малатя подшосининг қизи бўлган эканлар. Хожа Абдулхолиқ Ғиждувоний илк таълимни отасидан олган, кейин эса Имом Садриддин қўлида тафсир илмини ўрганган. Хожа Абдулхолиқнинг оталари Шайх Абдулжалил зиёли ва маърифатли инсон бўлиб, Рум (хозирги Туркия) нинг кўзга кўринган олимлардан бўлган. У киши аҳли сунна ва жамоа тўрт мазҳабидан бири бўлган моликия мазҳаби асосчиси Имом Молик (713-795) нинг

жияни, Шайх Хусайннинг ўғлидирлар. У киши фиқх илмининг соҳиби бўлиб, фиқҳ мактабларини очган. Улар Туркиянинг Малатя шаҳридан Буҳорога кўчиб келиб, Ғиждувон шаҳрига жойлашган. Кейинчалик Ғиждувон каби муҳаддас диёрда Абдулҳолиҳ Ғиждувоний таваллуд топганлар.

САБОК БЕРГАН УСТОЗЛАР

Манбаларда Абдулхолиқ Ғиждувонийнинг илм олишлари ҳақида маълумотлар берилган. Мансуржон Азим ўғли томонидан манбалар тахлили асосида тайёрланган "Хазрат Бахоуддин Нақшбанд" номли тарихий ва маърифий рисолада хожагон-нақшбандия пирлари хакида маълумотлар келтирилган. Бу рисолада ёзилишича, Абдулхолиқга бошланғич билимни оталари берганлар. У киши беш ёшга етганларида, оталари вафот этадилар. Отасининг вафотидан кейин Абдулхолиқ Ғиждувоний китоб мутолааси билан банд бўлади ва тўққиз ёшгача Қуръонни ёдлаб, қироат қиладиган даражага етади. Абдулхолиқ Қуръон кироат қилаётганларида овозлари шу даражада хуш эдики, уни тинглаш учун қўшнилар том бошига чиқиб ўтирардилар. У киши ўн бир ёшга етганда Бухоро шахристонига бориб, Хазрат Имом Садриддиндан тафсир, фикх илмини ўргана бошлади. Фикх илмини ўргангандан кейин Имом Молик китобларини мутолаа қилди.

Манбада таъкидланадики, Абдулхолиқ Имом Садриддиндан тафсир илмини ўрганаётган вақтида Куръони Каримнинг "Аъроф" сурасининг 55-оятини ўкиб, унинг маъносини устоздан сўрайди: "Эй устоз! Агар зокир овоз чиқариб зикр этса, бу ҳол ўзгаларга аён бўлур. Мабодо дилда, яъни овоз чиқармай зикр этса, Шайтон воқиф бўлур. Чунки "Шайтон одам фарзандининг томирида қондай оқиб юради" ҳадиси бунга ишоратдур. Хўш, унда хуфя зикр этиш қоидаси ва тартиби қандай бўлур?"

Устозлари Имом Садриддин Абдулхоликнинг бу саволига шундай жавоб берадилар: "Эй фарзанд! Сен

сўраётган илм ладуний илмдир. Яъни Аллох ёнида бўлган илмдир. Агар Аллох таоло ладуний илмни сенга маълум қилмоқни хоҳласа, албатта Аҳлуллоҳ яъни Аллоҳ одамларидан бирини ёнингга юборади ва у сени бу илмдан воҳиф ҳилур". Бу суҳбатдан кейин Абдулхолиҳ Ғиждувоний бутун борлиҳлари билан мунтазир бўлиб, ладуний илм берадиган устозни кута бошлайдилар.

Мухлис Намангонийнинг "Туҳфатул обидин" китобларида ҳазрати Хожаи Жаҳонга бағишланган ғазалда яна бир устозларининг номи Хожа Фазлиддин эканлиги ҳаҳида қуйидаги маълумот берилган:

Балх ичинда бир муршид оти Хожа Фазлиддин, Вайсийдин назар топган эрди пири бо тамкин. Анга Хожа (Абдулхолик) бериб құл ким бориб Бухородин, Ўн бир йил қилиб хизмат тегди рухсат ул пирдин. Бошима ҳумо янглиғ шукур соябоним бор, Ғавси муршиди комил Хожаи Жаҳоним бор.

Хожа Абдулхолиқ 22 ёшга етганларида, шайхул шуюх, олими Раббоний, қутби аср, соҳибкаромат авлиё, юксак мақомот соҳиби, пиру муршид, алломаи замон, "Одоби тариқат", "Инсон ва коинот ҳақида рисола", "Рутбатул ҳаёт" каби бир неча асарлар муаллифи Ҳазрат Юсуф Ҳамадоний (1048-1141) Бухорога келиб, ирфоний мактаб ташкил этадилар.

Алишер Навоий бу ҳақда шундай маълумот берганлар: "Шайх уш-шуюх олиму орифи раббоний хожа имом Абу Яъқуб Юсуф Ҳамадоний Бухороға келибдурлар ва Хожа Абдулхолиқ алар суҳбатиға етибдурлар ва маълум қилибдурларки, аларда ҳам кўнгил зикри бор".

Абдулхолиқ Ғиждувоний устозлари Юсуф Ҳамадонийга бағишлаб асар ёзганлар. У киши "Мақомоти Юсуф Ҳамадоний" асарида устозларини мехрмуҳаббат билан гўзал бир равишда тавсиф этганлар. Бу асарни Сайфиддин Сайфуллоҳ ва Нодирхон Ҳасан ўзбек тилига ўгириб, 2003 йилда нашр этганлар. "Мақомот" асарида Юсуф Ҳамадоний ўгитлари, таваллуд, ахлоҳ ва шамоиллари, вафот тарихлари ёритилган. Юсуф Ҳамадоний Абдулхолиқ Ғиждувонийга ўгит берганларким, "Хуш дар дам доред, назар бар қадам доред, сафар дар ватан доред, хилват дар анжуман доред" яъни "Ҳар дамда ҳушёр бўлинг, назарингиз қўядиган қадамингизда бўлсин, ватанингизда сафарда бўлинг, хилватингиз анжуманда бўлсин".

Сайид Аҳмад Васлийнинг "Назм ус-силсила" асарида Хожа Абдулхолиқ Ғиждувоний ҳақида ёзилган маълумотда ҳам у кишини Юсуф Ҳамадонийга муҳаббати назмий ҳолда тасвирланган.

Аз он жаноб ба жаноби Хожа Абдулхолиқ Ғиждувоний қ.с.

Хар касе азми иродат кард фош, Шуд муридаш хожаи арш ифтирош.

Хожа Абдулхолиқ он шоҳи жаҳон, Мавтани он пири комил Ғиждувон.

Истимои иззу жоҳи ў (Юсуф Ҳамадоний) намуд, Азму жазми хонақоҳи ў намуд.

Аз ғами ишқаш ҳами дар уфқ бишуд, Чун Зулайхо ошиқи Юсуф бишуд.



Омаду дар хонақохаш жо гирифт Чун зиё дар дидахо маъво гирифт.

Шуд мурид ў, баргирифт аз ў сабоқ, Доимо шуд муштарир дар зикри Хак.

Рафта-рафта матлаи анвор шуд, Ботини ганжинаи асрор шуд.

3-илтифоти муршиди соҳибкамол, Нури нисбат бо дилаш кард интиқол.

Гашт зоҳир хожаги з-он олишон, Васли солияш бишуд Хожаи Жаҳон

Жумла асрори хафи зохир бигашт, Хизри рахбар назди ў хозир бигашт.

Зикри хуфя дам-бадам таълим дод, Аз дили жон Хожаи дин кард ёд.

Шуд замини Ғиждувон мисли жанон, Омад ин жо аҳли ирфони жаҳон.

Мазмуни:

У жанобдан Жаноб Абдулхолиқ Ғиждувоний қ.с. га

Хар киши сидқу ихлос билан азм қилса, Унга арш пояндози бўлган киши ҳам мурид бўлади.



Хожа Абдулхолиқ ул жаҳон шоҳи, Бу пири комилнинг ватани Ғиждувондир.

(Юсуф Хамадоний)нингшаъну шухратини эшиттан замон, Унинг хонақохи томон юришни жазм этди.

Унинг ишқини ғамидан ҳар замон уф тортарди, У Зулайҳо Юсуфнинг ошиқи бўлгани каби ошиқ бўлди.

Келиб унинг хонақохига жойлашди, У зиё каби кўзларда маъвога айланди.

У мурид бўлиб, (Юсуф Хамадонийдан) сабоқ олди. Доимо Хақ зикри билан машғул бўлди.

Вақт ўтиши билан нур чиқадиган макон бўлди Ботини сирлар хазинасига айланди.

Камолот соҳиби бўлган муршиди илтифоти ила, Нисбат нури қалбига интиқол қилди.

У олий шаъндан хожалик зохир бўлди. Натижада анга Хожаи Жахон номи тавсифланди.

Хуфия (зикр) барча сирлари зохир бўлди. Хожа Хизр унинг олдида рахбар сифатида хозир бўлди.

Хуфия зикрни мудом таълим берди, Дили жони билан хожани (Аллоҳни) ёд этди.

Ғиждувон замини жаннатга ўхшаб кетди, Бу шахри азимга бутун жахоннинг ирфон ахли келди. "Ҳазрат Баҳоуддин Нақшбанд" номли манбалар асосида Мансуржон Азим ўғли томонидан тайёрланган рисолада шундай маълумотлар келтирилган: Хожа Абдулхолиқ Ғиждувонийнинг устозлари Хожа Юсуф Ҳамадоний вафот этгандан кейин Абдулхолиқ Ғиждувоний устоз қабр устидаги тупроқ тепалигига (уюми) қараб туриб, кўзига ёш ҳалқаланади: "Йигирма икки ёшимда шайх этакларини тутган эдим. Ўшанга ҳам ўн олти йил бўлибди" деб қалбдан нидо этади.

Хожа Юсуф Хамадоний вафотларидан кейин Хожа Абдуллох Барқий, Хожа Хасан Андоқийлар иршод тахтига ўтирганларида Абдулхолиқ Ғиждувоний улар хизматида бўладилар. Улар билан бир сафда туриб, тариқат йўлида тер тўкадилар. Иршод тахтига ўтириш навбати Хожа Ахмад Яссавийга текканида хам Абдулхолиқ Ғиждувоний сидқидилдан хизмат қилганлар. Хожа Аҳмад Яссавий Ясси шахрига кетар пайти Абдулхолиқ Ғиждувонийни ўз ўрнига халифа этиб тайинлаб, дўстининг иршод тахтига ўтиргандан кейинги илохий жамоли холатини кўриб, кўнгли хотиржам холатида она шахри Яссига равона бўлдилар. Иршод тахтига ўтиргандан кейин Хожа Абдулхолиқ Ғиждувоний: "Келганимда йигирма икки ёшлик йигит эдим, орадан йигирма беш-йигирма олти йил ўтибди" деган фикр хаёлидан ўтди. Бу далилларни тахлил этсак, Юсуф Хамадоний вафот этган вақтда Хожа Абдулхолиқ Ғиждувоний ўттиз саккиз ёшда бўлганлар. Иршод тахтига ўтирган вақтларида эса қирқ саккиз ёшда бўладилар. Демак, устозлари ўгитларига амал қилиб, Андоқий, Барқий ва Аҳмад Яссавийларга ўн йиллар


давомида содиқ хизмат қилиб, 48 ёшларида иршод тахтига ўтирганлар ҳамда ўзлари мустақил хожагон тариқати ва таълимотини яратганлар. Шу далиллар асосида Ўрта Осиёдаги илк мумтоз тариқатлардан бири бўлган Хожагон тариқати 1151 йилларда вужудга келган. Аҳмад Яссавий Туркистонда Яссавия тариқати ва таълимотини асослаган. Бизнинг фикримизча, Ўрта Осиёдаги илк мумтоз тариқатлардан яна бири яссавияга ҳам 1151 йилларда асос солинган бўлиши мумкин. Бу икки дўст Хожа Юсуф Ҳамадонийнинг ўгитларини бажариб, халқни ғафлатдан уйғотиб, эзгулик ила Ҳақ йўлига бошлаганлар.

Хожагонлар тариқатида иршод бериш хуқуқига эга бўлгандан кейин Хожаи Жаҳон Ғиждувон Қалъасига кириб келганлар. Бу хушхабар бутун Қалъа халқи бўйлаб тарқалган. Бу улуғ зот зиёратига келиб кетадиганлар сони кундан-кунга кўпайиб бораверган.

Садриддин Салим Бухорий ва Самад Азимовлар "Туҳфат аз-зоирин" китобига асосланиб ёзадиларки, Абдулхолиқ Ғиждувонийнинг Ҳазрати Бобои Лақлақаги (Ниёз Хоразмий) номли бир устозлари бўлган. Бу зоти шарифнинг табаррук қабрлари Бухоро вилоятининг Ромитан туманидаги "Лақлақа" қишлоғидадир.

Мухлис Намангоний Хожаи Жаҳонга бағишланган ғазалида Абдулхолиқ Ғиждувонийнинг сабоқ олишларига доир қуйидаги маълумотни ҳам ёзиб қолдирганлар:

Бердилар хати иршод етти муршиди Аъзам, Ўттиз икки ёшинда бўлди ходийи олам.



Демак, Хожа Абдулхолиқ Ғиждувоний оталари Имом Садриддин, Ниёз Хоразмий, Хожа Фазлиддин, Юсуф Ҳамадоний, етти муршиди Аъзамдан сабоқ олиб камолга етган эканлар.

МАЪНАВИЙ МЕРОСИ

Хожа Абдулхолиқ Ғиждувоний бой маънавий мерос қолдирганлар. У киши тасаввуфнинг мумтоз тариқатларидан дастлабкилари бўлган хожагон тариқатини асослаганлар, рисола, асарлар ва рубоийлар ёзганлар. Абдулхолиқ Ғиждувоний қолдирган энг қимматли маънавий мерос хожагон тасаввуфий таълимоти ва тариқатидир. Хожагон тасаввуфий таълимоти асоси бўлган саккиз тамойилнинг тўрттасини Хожаи Жахоннинг ўзлари кашф этиб, киритганлар. Абдулхолиқ Ғиждувонийдан қолган қимматли маънавий мерос у киши асослаган тўрт рашҳа – "Ёдкард", "Бозгашт", "Нигоҳдошт" ва "Ёддошт"дир.

Халқимиз маънавий дунёсини бойитувчи хазина хисобланадиган Абдухолиқ Ғиждувоний томонидан ёзилган асарлар хозиргача сақланган. Хожаи Жахоннинг энг қимматбаҳо асарлари ўз етук шогирдлари хамда маънавий фарзандлари Авлиёи Кабирга деб ёзган ва барчамиз учун ҳақиқат йўлини кўрсатадиган "Васиятнома" (Насихатлар) китобидир. Шунингдек, бу асар Абдулхолиқ Ғиждувонийнинг "Рисолаи одоби тарикат" (Тарикат одоби рисоласи), "Рисолаи восоё" (Насихатлар рисоласи), "Ибтидои Жомиъ ул-калом" номи билан хам маълум. Абдулхолик Ғиждувоний ўз устозлари Юсуф Хамадонийга бағишлаб ёзган асарлари "Мақомоти Хожа Юсуф Хамадоний" (Хожа Юсуф Хамадонийнинг макомлари, эришган даражалари) ва "Рисолаи соҳибия" (Дўстлик ҳақида рисола)лари маълум. Шу билан бирга муаллифи номаълум бўлган "Аз гуфтори Хожа Абдулхолиқ Ғиждувоний" (Хожа Абдулхолиқ Ғиждувоний айтганларидан) номли рисола ҳам мавжуд. Бу рисола савол-жавоб тарзида ёзилган бўлиб, тасаввуфдаги маълум бир масалалар баёнига бағишланган.

Абдулхолиқ Ғиждувонийдан рубоийлар ҳам маънавий мерос бўлиб сақланган. Хожаи Жаҳоннинг рубоийлари жуда гўзал услубда ёзилган бўлиб, шеърият хазинасининг инжу-дурдоналаридир.

ХОЖАГОН ТАЪЛИМОТИ АСОСЧИСИ

Хожагон Хожаи Жахон номи билан машхур бўлган, Бухорои Шарифни дунёга танитган Етти Пирнинг биринчиси Абдулхолиқ Ғиждувоний томонидан асосланган Ўрта Осиёдаги илк мумтоз тасаввуфий тариқатлардан биридир. Манбалар тахлили асосида хожагон тариқати ва таълимоти Хожа Абдулхолиқ Ғиждувонийга Аҳмад Яссавий Туркистонга кетиб иршод ҳуқуқи берилганидан сўнг 1151 йилда ташкил этилган деб ҳулоса қилиш мумкин.

Хожагон – хожа сўзининг кўпликдаги кўриниши бўлиб хожалар деган маънони англатади. "Хожа" сўзи форс тилидан олинган бўлиб, ҳурматли, жаноб, ҳўжайин, мулкдор деган маъноларни англатади. Тасаввуфда "Хожа" ибораси, тариқат шайхларига, улуғ пирларга берилган унвондир. Биринчи бўлиб бу унвон Юсуф Ҳамадонийга берилган. У кишининг шогирдлари Абдулхолиқ Ғиждувоний ҳам "Хожа" унвонига сазовор бўлганлар. Шу сабабли Абдулхолиқ Ғиждувоний асослаган таълимот ҳам Хожагон номи билан аталади. Хожагон таълимотидаги барча шайхлар ҳам "Хожа" унвони билан улуғланганлар.

Муҳаммад Порсо "Фасл ул-хитоб би-васл ил-аҳ-боб", ("Дўстлар висолига етишишга оқ ва қорани ажратувчи китоб") асарининг "Баъзи аз маноқиби ва шамоили Ҳазрати Хожагон" ("Ҳазрати Хожагонларнинг баъзи маноқиб ва шамоиллари борасида") деган бобида Абдулхолиқ Ғиждувоний ҳақида маълумотлар берилган. Бу манбада ёзилишича, хожагонлар бандаликнинг йўли ва убудият тариқининг комил кишиларидир. Улар нуруллоҳ оламидан фойда олувчилардур. Ҳар ким бу йўлнинг фойдасини

камтарин ходимларидан бўла олса ва бу садоқатли зотларга эътикодда бўлса, умиддурки, уларга нисбатан бўлган муҳаббат ва мутобаат, яъни эргашиш туфайли ўз мақсудига етгай. Бу азизларнинг йўллари Расул (с.а.в) ҳамда саҳобаларининг йўлларидир ва бидъат ҳам нуҳсонлардан холидур.

Уларнинг равиши, йўли тўхтаб қолувчи ҳам эмас, бирор нарсага ўхшовчи ҳам эмас, балки ҳидоят нури, маърифат нурининг айнан ўзи, аҳли суннат ва жамоатнинг эътиқоди, ҳақиқат изловчилар ва орифлар йўлининг нуридур. Ҳавои нафс, шайтонга тобеъ бўлиш, фитна аҳли ва ботин кишилар таҳлид ҳилувчиларнинг таҳлидидан омон саҳловчидир. Яъни, Хожаи Жаҳон хонадонининг ҳалифалари ва машойихлари йўлидур.

Халил Иброхим Сори ўғли Салох ибн Муборак Бухорийнинг "Анис ут-толибин ва уддат ус-соликин" (Толибларнинг дўсти ва соликларнинг яроғи) номли асарини чоп қилдирган олимдир. У мазкур асарнинг нашрига қўшимча тарзда катта ҳажмдаги илмий мақолани илова қилган. Унда келтирилишича, Абдулхолиқ Ғиждувоний Хожагон силсиласининг ҳақиқий асосчиси ва бунёдкори бўлиб, нақшбандия тариқатидаги 11 усулнинг саккизтасини асослаб берган. Шунинг учун уни "Хожагонлар" табақасининг сардафтари ва бу азизлар "сар силсиласи" деб атайдилар. Муаллифнинг ёзишича, Баҳоуддин Нақшбанд бу саккизтага ўзининг учта иборасини қўшган: вуқуфи қалби, вуқуфи адади ва вуқуфи замони.

"Рашаҳот" асарида ёзиладиким, Хожа Аҳрор раш-ҳаларида айтганлар: "Ҳазрати Хожа Абдулҳолиқ қ.с. сўзлари турурким:

Шайхлик эшигини боғлагил, ёрлик эшигин очгин, Хилватнинг эшигини ёпгин, суҳбат эшигини очгин".

Бу сўзлар Хожагон таълимотининг асл мохиятини очиб беради. Яъни бу таълимотда "Хилват дар анжуман" рашҳаси асосида суҳбат ва ўзаро ёрдам асосий талаб ҳисобланади.

Комилхон Каттаев "Тасаввуф алломалари" китобида шундай таъкидлаган: "Хазрати Хожа Абдулхолик Ғиждувонийнинг "Хожагон" таълимотидан келиб чиққан нақшбандия тариқатининг асоси ўн уч усулдан иборат бўлиб, Мусохонхожа Дахбедийнинг "Зубдат ул-хақойиқ" асари ва бошқа манбаларда бу таълимотнинг тафсирини кўриш мумкин". Комилхон Каттаев ўн уч усул деб, нақшбандия таълимотидаги ўн бир рашхани тилга олиб яна иккита услуб деб, "Лафзи нисба" ва "Лафзи бор" ни тилга олганлар. Бу икки калимани хазрати Хожа Абдулхолик Ғиждувонийнинг ишоратлари бўйича, гохида нисбат дейдилар ва бу тоифа тариқат кайфиятини ифодалайди, хамда кишининг нафс мулки ва сифати ғолиблигининг қай даражадалигини аниқлайди, – деб муаллиф ёзган.

Гоҳида "Бор", яъни юк сўз ҳосили дейдилар. Киши сулук, тақво ва илм аҳлидан бўлса, бу кишининг нисбати бошқа ҳамманинг нисбатидан юқори туради. Ҳар нарсаки, унинг акси бўлса, унда унинг хотирасининг "Бори" бўлади ва уни "Лафзи бор" дейдилар.

Лафз – араб тилидан олинган бўлиб, сўз, ифода маъноларини англатади. Халқимизда "Лафз" ибораси мавжуд. Бу инсоннинг айтган сўзи бўлиб, ҳақиқий инсон айтган сўзи устидан чиқиши демакдир. Мард

кишиларга нисбатдан халқимиз "Уни сўзи-сўз", "Уни айтгани айтган", "У айтган сўзининг устидан чиқади" деган тавсифларни учратамиз. Тасаввуфда Хақ йўлига кирган кишининг Аллох олдидаги фақат унинг розилиги йўлида холис хизмат қилиш лафзи бўлиб, солик устозидан байъат олиб, ундан вазифа олади.

Лафзи нисба: Бизнинг фикримизча, "Нисба" сўзи арабча нисоб сўзидан олинган бўлиб, асл, асос, негиз, микдор, хисса маъноларини англатади. Яъни тасаввуф йўлидаги хар бир инсоннинг фитрати, кобилияти, истеъдодига яраша унга насиба берилади ва шунга асосан Аллох бу инсонга нур, файз, барака беради. Демак, инсон ўзига юклатилган ва шуни бажараман деб лафз килган ишига муносиб амалда бўлса, Аллох уни ўзига якин килиб, валийлик даражаларини беради. Халк ўртасида уни азиз ва мухтарам килади. Унинг хар сўзи, хар назари, хар кадами баракотли бўлиб, дуолари ижобат бўладиган даражага етади.

Лафзи бор: маъноси "Сўзнинг юки"дир. Яъни айтилган сўз омонат бўлиб, у омонатга хиёнат қилмаслиги лозим. Банда Хак йўлидан бораётганида нафс, шайтон ва дунё жилвалари йўлига тўсик бўлиб, айтган сўзи киска муддатда хотиридан чикиши мумкин. Натижада у ўз холига мос бўлмаган бир ножўя ишни амалга ошириши мумкин бўлиб қолади. Бу ножўя харакат унинг хотирасига юк бўлади. Устози рахбарлигида тавба макомига кириб бу юкдан кутилиши мумкин. Аммо узок муддат ғафлатда қолса, бу юк унинг хаётига катта хавф солиши мумкин. Яна солик ўзига берилган маком ва даражадан ўзини юкори кўйиб, юкини оғирлаштириши хам мумкин. Бундан кўриниб турибдики, ҳар бир

инсон ўзига берилган насиба даражасига қараб иш тутиши ва шунга қараб ҳаёт кечириши керак ҳамда ундан ортиғига берилмаслиги лозим. Шунда унинг ҳаёт тарзи хотирасига ва жисми жонига ортиқча "юк" бўлмайди.

Демак, "Лафзи нисба" ва "Лафзи бор" тасаввуф йўлидаги ҳар бир инсоннинг ўзини англашига, ўз ўрнини билишига, ўз вазифаларини тушунишига ва шунга уйғун амал қилишга чорлар экан. Бу тушунчалар инсонни камтарин, хоксор, ниёзманд бўлишга чақиради ва уни кибру ҳаводан сақлайди.

Хожа Абдулхолиқ Ғиждувоний асослаган камолот йўли – хожагон таълимотига Алишер Навоий юксак таъриф бериб шундай ёзган: "Уларнинг равиши тариқатда ҳужжатдур. Барча форуқнинг мақбулидурлар. Ҳамиша сидқу сафо йўлида ва (Муҳаммад) Мустафо (с.а.в.) шаръу суннати мутобаатида ва бидъату ҳаво муҳолафатида ҳадам урубдурлар ва пок равишларин ағёр кўзидин яшурубдурлар".

Абдулхолиқ Ғиждувоний Ҳаққа восил бўлиш, руҳни камол топтириш ва комил инсон даражасида юксалишнинг ўзига хос йўлини кашф этди. Хожагон тариқати Абдулхолиқ Ғиждувоний кўрсатган камолот йўлидир. Шунинг учун Абдураҳмон Жомий ва Алишер Навоийлар: "Аларнинг равиши тариқатда ҳужжатдур, барча форуқнинг мақбулидур",¹ - деб таърифлаганлар.

Хожагонларнинг комил инсонни тарбиялашдаги йўли меъёрдаги йўлдир. Чунки у шариатга асосланади. Бу йўл доимо – шариат ва суннатга уйғун, бидъатдан йироқ бўлган.

¹ Алишер Навоий. Насойим ул-муҳаббат. Т.А.Т. 17- том. -Т.: 2001.- Б.-253.

Хожагонлар йўли ҳушёрлик йўли бўлиб, "Хуш дар дам" рашҳасига асосланади. У мастлик, беҳудликни инкор этиб, фанодан бақо ҳолатигача инсонни камолотга етаклаш йўлларини кўрсатади.

Хожагонлар тариқати шахс руҳий хусусиятларини инобатга олиб, камолот йўлини белгилаган сулукдир. Зероки, бу йўл бошида Абдулхолиқ Ғиждувонийда хуфия зикр бўлса, Маҳмуд Анжир Фағнавийдан Амир Кулол давригача хуфия ва жаҳрия зикри бирга мавжуд бўлган.

Хожагонлар мактаби соликларни бағрикенглик рухида тарбиялаган мактабдир. Улар бутун борлиқни Хақ зухурроти деб билганлар ва уни эъзозлаганлар. Бағрикенглик самоъга бўлган Абдулхолиқ Ғиждувонийнинг муносабатларида ҳам, яъни "Инкор ҳам этмаслик, ҳабул ҳам ҳилмаслик"да намоён бўлган. Шунингдек, бу тариҳатга аёллар ҳам кирганлар ва валийлик даражасида юксалган аёлларга тариҳатда тенг ҳурмат билан муносабатда бўлганлар. Масалан: Абдулхолиҳ Ғиждувоний ўз даврининг валийси — Ойшани ўз ўринларидан туриб кутиб олдилар ва унга иззат-икром кўрсатдилар.²

Хожагонлар нафс тарбиясига махсус эътибор бериб, нафс фано сархадига етиши тамкин даражасига олиб келишини кўрсатганлар.

Хожагон тариқатида бандаликка энг олий даража сифатида қаралған. Банда ихтиёри тўла илохий ихтиёр билан уйғун бўлган. Бунда Ҳақ ризолигига эришиш асосий мақсад ҳисобланған. "Бозгашт" рашҳаси асосида солик доим: "Худоё, мени мақсудим сенсан ва сенинг ризолигингни тилайман", деб шунга уйғун ҳаракат қилган.

² Хожа Мухаммад Ориф ар-Ревгарий. Орифнома. Т.: "Наврўз", 1994. — 12 б.

Хожагонлар инсонга барча жисмоний, ақлий нафсоний, рухий қувватларни бошқара олиш ҳамда ўз-ўзини англаш ва ўзининг микроолами – олами асғарида олами акбарни – макрооламни, яъни илоҳийликни жойлаштиришнинг энг афзал йўлларини топганлар. Улар қалбда илоҳий файзни тўплаш, инсондаги мавжуд заҳираларни очиш ва уларни борлиқни гўзаллаштириш каби эзгу ишларга сафарбар этиш учун "Назар бар қадам" рашҳаси асосида кўз ва оёқ қувватини жисмонан ва маънан тўғри йўналтира олганлар.

Хожагонлар тариқатида бошқа тариқатлардан фарқли жисмоний сайру сафар қилиш маънан, руҳан сафарга айлантирилган. "Сафар дар ватан" рашҳаси орқали инсон ўзида бутун макрооламни ҳис этиб, ўзидаги тубан, ёмон ахлоқларни йўқотиб, гўзал илоҳий ахлоқ соҳибига айланади.

Тариқатлардаги инсон камолоти учун зарур бўлган узлат, чилла, танҳо хилватни хожагонлар анжуманда ўтказиш йўлини кашф этиб, "Хилват дар анжуман" рашҳаси асосида зоҳиран халҳ ва ботинан Ҳаҳ билан бўлиб, хос тариҳат аҳли билан суҳбат йўли ила руҳларини озиҳлантириб, камол топиш мумкинлигини кўрсатдилар. Натижада хожагон йўли дунёвий ва диний бахт-саодат йўли, дунё ва охират учун ҳам зарурий йўлга айланди.

Хожагон тариқати инсондаги хотирани тасниф этиб, уни шайтоний, нафсоний даражадан поклаб, малакий ва охирида раҳмоний³ даражасига юксалиши йўлларини кашф этиб, "ёдкард", "бозгашт", "нигоҳдошт", "ёддошт" рашҳалари натижасида бунга эришиш мумкинлигини кўрсатди.

 $^{^3}$ Шайх Аҳмад Бухорий. Маслак ас-соликин. Тошбосма. Бухоро вилоят кутубхонаси. — Б.13.

Хожагон тариқати инсонни бутун мавжудотга нур сочувчи, зиё таратувчи манзилу маконга айлантира олди. Абдулхолиқ Ғиждувонийнинг 10 нур таълимоти шарофати билан инсон қалбида 10 та нурни мужассам этиш мумкинлигини кўрсатди. Комил инсон қалбида иймон, ислом, тавхид, маърифат, хидоят, ёдкард, бозгашт, нигоҳдошт, ёддошт, шайх нурлари⁴ тажаллий этиб, бутун мавжудотга илоҳий ишқ ила мушоҳада, назар, муносабат қила оладиган бўлади.

Хожагон тариқати рухий камолотга эришишнинг мақомлари: тавба, иродат, зикр, зухд, сабр, ризо, шукр, таваккул; ҳоллари: муроқаба, муҳосаба, муҳаббат, сидқ, таслим, тавфиз, ихлос, мушоҳада, муоина⁵ орқали комил инсон даражасига етиш мумкин деб, шу асосда толиби ҳақларни ҳидоят йўлига бошлаганлар.

Хожагонлар тариқати Ҳақ йўлларидан бири ҳисобланади. Бу йўл меъёридан ўтиб кетадиган, инсон руҳи, ақли, жисми ва нафсониятига зулм бўлган, ўзгаларга кашфу кароматини кўз-кўз қилишни одат қилган ботил йўллардан тубдан фарқ қилади.

Хожагон таълимоти инсонпарварликка асосланган таълимотдир. Шунинг учун Ромитаний – Ҳазрат

 $^{^4}$ Шайх Ахмад Бухорий. Маслак ас-соликин. Тошбосма. Бухоро вилоят кутубхонаси. - Б.13.

⁵ Ўша жойда.

Азизон айтганки, "Ер юзида Хожа Абдулхолик Ғиждувоний фарзандларидан бири бўлса эрди Мансур

(Халлож) харгиз дор остига бормагай эрди". 6 Зероки. булар бу ходиса мохиятини англаб, тўғри йўл кўрсата

олардилар.

Хожагонлар тариқатини одоб йўли дейиш мумкин. Чунки бу йўлдаги мурид одобининг асосий белгилари сидк, ихлос, қалбни поклаш, бағрикенг бўлиш, хизмат, сабрдир. Шайхга боғланиш, "интисоб", "байъат" мавжуд бўлса-да, лекин халол мехнат ва ўз касб-хунари билан "Даст ба кору, дил ба Ёр"га амал қилиш, ўзгалар оғирини енгил қилиш тариқат талаби бўлиб хисобланган.

Демак, Абдулхолик Ғиждувоний асослаган, Ориф Ревгарий, Махмуд Анжир Фағнавий, Хожа Али Ромитаний, Мухаммад Бобои Самосий, Хазрат Саид Амир Кулол муршидлик қилган ва Бахоуддин Нақшбанд асослаган нақшбандия тариқатининг асосий тамал тоши бўлган хожагон тарикати кашф этган комил инсонни тарбиялаш йўли хозирги кунгача ўз ахамиятини сақламоқда. Бу таълимот баркамол инсон тарбияси жараёни учун фойдали ғоя ва амаллари билан қадрият хисобланади.

⁶ Алишер Навоий. Насойим ул мухаббат – Т.А.Т. – 17-том. Т.: 2001. – Б. 254.

⁷ Фахриддин Али Сафий. Рашахот (Оби хаёт томчилари)Т.: Абу Али ибн Сино номидаги тиббиёт нашриёти, 2003. – 28-бет.

ХОЖАИ ЖАХОННИНГ ТЎРТ ХАЁТБАХШ РАШХАЛАРИ

Абдулхолиқ Ғиждувоний асослаган хожагон тариқатига устози Юсуф Хамадоний ўгит берган "Хуш дар дам", "Назар бар қадам", "Сафар дар ватан", "Хилват дар анжуман"ни асосий тамойил қилиб олганлар. Юсуф Хамадоний садокатли шогирдлари Абдулхолиқ Ғиждувонийга: "Эй Абдулхолиқ, хавотирни билиш иши сенга ҳавола қилинди" деганлари Хожаи Жахоннинг "Рисолаи сохибия" асарида келтирилган. Хожа Абдулхолиқ Ғиждувоний устозларига садоқат ила хотира масалаларини ўрганиб, янги тўрт тамойил: "Ёдкард" – хотирага келтириш, "Бозгашт" – қайтиш, хотирани поклаш, "Нигохдошт" - нигох, яъни хотира, зехнни сақлаш ва "Ёддошт" – хотирани узоқ муддат пок холда сақлашни кашф этдилар ва уларни хожагон таълимотининг асосига қўйдилар. Хожагон таълимоти асосида саккиз рашҳа – ҳаётбахш ўгитлар бор.

Хожа Абдулхолиқ Ғиждувоний устозлари Юсуф Ҳамадоний ўгитларини бажариш мақсадида хотира масаласига махсус эътибор бериб, уни кузатиб тадқиқ эта бошладилар ва шуни аниқладиларки, инсон маънавий, рухий тараққиёти унинг хотирида асосланади, яъни хотирада идрок этилган таассуротларни сақлаб қолиш ва онгда, ақлда уларни қайтадан тиклашга асосланади. Бундай ҳолатни мия моддаларни бир неча маротаба такроран янгиланиши билан мувофиқлантириши мумкин. Файласуф олим М.Н.Болтаев "Хўжа Абдулхолиқ Ғиждувоний – инсондўст ҳаким, рифъат шайх" номли рисолаларида одамнинг жисму жасадининг ҳужайраларида ҳамиша модда алмашуви содир бўлиб туради: эскирган жихат, моддалар чиқарилиб, узоқлаштирилиб, янгилари вужудга келади, унинг оқибатида тахминан етти йил давомида киши жисми, жасади тўла янгиланади, деган фикрни асослаб берганлар. М.Н.Болтаевнинг фикрларига кўра, янгиланиш тез суръатлар билан қандай амалга ошса, шу билан бирга инсон танасидаги фаолиятни бошқарувчи марказ бўлган мияда хам янгиланиш вужудга келиб, мия бир неча маротаба янгиланади. Шунинг учун мия киши маънавий, рухий фаолиятининг аслий асоси бўла олмайди. Агар мия инсон маънавий – рухий фаолиятининг асоси бўлса эди, мия моддаларининг янгиланиши хотирадаги илгарилар идрок этилган маънавиятнинг йўқолишига олиб келар эди. Хақиқатда эса, бүндай холат юзага келмайди. Маълумки, кўпинча болалик чоғида ва хатто бир марта қабул этилган таассурот қарилик чоғигача хотирада қолади. Шунинг учун Абдулхолиқ Ғиждувоний хотиранинг инсон рухий камолотидаги ахамиятини англаб, Хожагон тариқатига тўртта янги қудсий калом киритди. Манбаларда бу калималарни рашҳа, яъни ҳаётбахш ўгитлар деб ёзадилар.

Абдулхолиқ Ғиждувоний кашф этган тўрт рашҳа – "Ёдкард", "Бозгашт", "Нигоҳдошт"ва "Ёддошт"дир. "Ёдкард" – "ёд" ва "кард" форс-тожик сўзларидан олингандир. "Ёд" деган сўз хотирани англатади, "Кард" – қилди, амалга оширди деганидир. Ёдкард – хотирага келтирди, эслади маъносини англатади. Хожаи Жаҳон "Ёдкард"ни ҳақиқат йўлида бўлган инсон тили ва қалби билан Аллоҳни зикр этиши ва уни хотирага келтириши амалиёти сифатида қўллаганлар ва хожагон тариқати тамойили сифатида киритганлар.

Тохир Эшон "Тазкираи нақшбандия" асарида "Ёдкард" хақида қуйидаги фикрларни ёзган: "Ёдкард - зикри лисони ва ё зикри қалбийдин иборатдур". Демак, ёдкард тил билан, ёки қалбда Аллоҳни эслаб, унинг гўзал исмлари ва сифатлари билан хотирага келтириш экан. Хазрати Мавлоно Саъдуддин Қошғарий айтганларки, ёдкард инкор ва исбот зикрининг, яъни "Ла илаха иллалох" калимасини калбни хозир тутиб, тилни танглайга ёпиштириб, тишларни бир-бирига банд этиб, оғизни ёпиб, нафасни сақлаб кўнгил, ёки тил билан Аллох билан машғул бўлиш лозимлигидир. Нафйи – "Ла илаха" деганда тамоми мавжудодларни фоний эканлигини англаш ва "Илаллох" деганда ягона Аллох борлигини хотирада тасдиклаш ва исбот этиш. "Ла илаха илаллох" калимасининг такрорланиши тавхиднинг сурати таъсирини дилда жо этади.

Фахруддин Али Сафий "Рашахот" асарида "Ёдкард" рашҳасининг таърифини берган. У киши ёзадиларки, ёдкард тил ёки қалб зикри бўлиб, нафасни сақлашга сабр қилиш лозим, бир нафасда уч маротаба айтсин, токим зикрнинг ҳаловатининг асари кўнгилга етсин. "Рашаҳот" асарида таъкидланишича, Убайдуллоҳ Аҳрор — Хожа Аҳрор Валий "Калимоти қудсия"ларининг баъзисида ёзибдирларким, зикрдан мақсад улдирким, кўнгил ҳамиша муҳаббат ва таъзим ҳолати билан Ҳақ таолодан огоҳ бўлгай. Зикрнинг мағзи ва руҳи шудирким, кўнгил Ҳақдан огоҳ бўлсин ва жамоа зикрида суҳбатдан бу огоҳлик ҳосил бўлмаса агар мақсадга етмас".

Абдулхолиқ Ғиждувонийнинг "Ёдкард" таълимоти ҳақида Муҳаммад Порсо "Рисолаи қудсия" асарида шундай ёзганлар: "Ҳақ Субҳаноҳунинг зикри ёд-

кард – хотирага келтиришдир. Бу йўлнинг буюк асосий шартларидан бўлиб, (Аллохдан ўзга нарса билан боғланган) хотираларни йўқотишдир". Демак, инсон ўз хотирасини дунё ташвишлари, ўткинчи хою хаваслар ва нафс истакларидан поклаб, ўша жараёнда фақат Аллох ва унинг ризолиги билан машғул бўлиши керак. Чунки, дунё, нафс ва шайтоний истаклар Аллох йўлига хижоб, тўсик ва пардадир. Мухаммад Порсо яна таъкид этадиларки, "тил зикрининг максади тўла таважжух, яъни Аллохга юзланишдир. Бутун рухоний ва жисмоний қувватлар ёт хотирани йўқотиш ва тўла Аллохга юзланиш учун керакдир". "Тил зикрнинг давомийлигидан зикр қалбга етади ва тилдан дилга кўчади, булар фанога олиб келади". Бахоуддин Нақшбанд: "Зикрнинг мазмуни ёдкарддир, яъни Хақ Субхонаху тавфикини ёдга келтириш-

Бухоролик нақшбандшунос олимлар Садриддин Салим Бухорий ва Самад Азимов "Хожаи Жаҳоним бор" рисолаларида таъкид этадиларки, "Ёдкард" иккига – тил ва дил зикрига бўлинади. "Хуш дар дам", "Назар бар қадам", "Сафар дар ватан", "Хилват дар анжуман" рашҳалари ёдкардга ўтиш учун тайёргарлик босқичи ҳисобланади. "Ёдкард" Аллоҳ зикрини қалбда нақшлашда асосий омилдир. Дарҳақиқат, хотирани бошқариш анча мураккаб жараёндир. Инсон ўзининг нафас олиш жараёни, кўзи, оёғи, ботини, қўли ва вужудини бошқаришда малака ҳосил қилгандан сўнг хотирасидан ёмон ва ёт нарсаларни қува олади.

дир", – деб унга янгича таъриф берганлар.

Абдулхолиқ Ғиждувоний томонидан яратилган иккинчи рашҳа "Бозгашт"дир. Бозгашт – форс-тожикча "боз" – яна ва "гашт" – қайтди сўзларидан

олинган бўлиб, зикр жараёнини холис ва пок бўлишини таъминлайди. Тил ёки дил зикри билан машғул бўлган киши, тўхташи ва аввалги холатига қайтиши, шу орада қилинган зикрини таҳлил этиши ҳамда қуйидаги иборани: "Худоё маҳсуди ман туи ва ризогии ту мебошад" - "Илоҳи анта маҳсуди ва ризока матлуби", яъни "Парвардигоро, Сен менинг маҳсадимсан ва сенинг ризолигинг менинг матлубимдир"ни таҳрорлаши лозим. Бу калимани таҳрорлашнинг аҳамияти шундаҳи, зиҳр жараёнини ғафлат билан ўтишдан саҳлайди.

"Рашаҳот" асарида ёзиладики, "Бозгашт улдурким, ҳар мартабаеким, зокир тили ва кўнгли билан калимаи тойибани айтса унинг изидан шул тили билан айтсун: "Худовандо менинг мақсадим Сен ва Сенинг ризолигингдир", шунинг учунким бу калимаи бозгашт нафий этгувчидир, яъни хотирадан келадиган яхши ва ёмонни йўқотувчидир, токи зикр холис бўлсин ва унинг сири мосиводан фориғ айлансин". Асарда таъкидланадики, зикр айтувчи калимаи бозгаштни айтаётганда ҳали ўзида сидқ мавжудлигини топа олмаса ҳам, бу калимани тарк этмасин шунда аста-секинлик билан сидқнинг асари ҳосил бўлади.

Тоҳир Эшон "Тазкираи нақшбандия" асарида "Бозгашт" калимасини изоҳлаб шундай ёзганларки, бозгашт калимаси соликнинг хотирига хайру шар, яъни яхшилик ва ёмонлик кирса ҳаммасини йўқ этгувчидир, то унинг зикри холис айланиб, мосиволлоҳдин фориғ бўлгай. Демак, "Бозгашт" инсон томонидан хотирани назорат қилиш жараёнидир ва бу амалиёт натижасида хотирада фақат Аллоҳ ва унинг ризолиги келади, бу эса қалбда ниятнинг покланишига ёрдам беради.

Абдулхолиқ Ғиждувоний томонидан Хожагон таълимотига киритилган учинчи рашҳа "Нигоҳдошт"-дир. "Нигоҳдошт" бу ҳам иккита форс-тожик сўзидан олинган бўлиб, "нигоҳ" – қараш, назар ва "дошт" – сақлаш сўзларидан олинган бўлиб, нигоҳни, яъни диқҳат, эътибор, зеҳнни асосий нарсага, маҳсадга ҳаратилган ҳолатда саҳлаш маъносини англатади. Хаёл кучи хотирани турли томонга олиб бормоҳчи бўлади, нигоҳдошт ҳаёл ҳувватидан хотирани саклайди.

Тоҳир Эшон калимаи "Нигоҳдошт"нинг маъноси хотирнинг муроҳабаси ва дилнинг ҳузуридир деб изоҳлаганлар. Чунончи, бир дамда калимаи тайибани бир неча маротаба айтар ва хотирининг огоҳлигидан ташҳари чиҳишдан муҳофаза этгай.

"Рашаҳот" асарида бу рашҳага қуйидагича таъриф берилган: "Нигоҳдошт" – ул иборатдур муроқибаи хавотирдин, андоқким, бир дамда неча мартаба калимаи тайибани айтурким, хавотири ғайбийга ташқари кетмас". Асар муаллифи "Нигоҳдошт"ни хотира муроҳабаси деб айтади ва инсон хотираси ёрдамида калимаи тайибани неча маротаба айта-ётганини назорат қилиб туради, бошҳа ғайр хотирларни киришга қуймай хотирани илоҳий, раҳмоний, малакий, пок ҳолатида саҳлайди, деб тавсиф этади.

Мавлоно Саъдуддин Қошғарий "Нигоҳдошт"ни шарҳлаб айтганларки, бир соат, икки соат ва икки соатдан зиёда, у миқдоргаким муяссар бўлур, хотирани сақласун, шундагина Аллоҳдан ўзга нарсалар унинг хотирасига кира олмайди. "Нигоҳдошт"да Ҳақ йўлидан бораётган киши хотирини хаёлига келадиган бошқа нарсалардан муҳофаза этар экан.

"Рисолаи қудсия" асарида Муҳаммад Порсо шундай ёзганлар: "Тил ва дил зикридан мақсад нигохдошт - бутун вужудни Аллохга юзлантириш, қаратиш ва шу холатни сақлашдир. Бу хотирани муроқабаси, яъни илохий хақиқатта яқинлашувидир". Яъқуби Чархий ўзининг "Рисолаи қудсия" асарида "Нигохдошт" рашхаси хакида ўз мушохадаларини ёзиб, Бахоуддин Нақшбанддан эшитган қуйидаги фикрни келтиради: "Нигохдошт" билан шуғулланиш нафаснинг кириши ва чиқишидан воқиф бўлишдан иборат бўлиб, бунда хаёлнинг Аллохдан доимо огохда бўлишига нуксон йўл топмайди. Бу билан шуғулланиш бора-бора ҳеч бир қийинчиликсиз хосил бўлади". Чархий "Нигохдошт"ни "Мушохада" деб ҳам юритилишини таъкидлайди ва шундай ёзади: "Баъзи тоифа доимо огохликдан иборат бўлган "Нигохдошт"ни мушохада деб атайдилар. Бу мақомга етган зохирий машғулотлар ботиний машғулотга монелик қилолмайдиган даражага етади". Демак, "Нигохдошт" хар бир нафас, ҳар бир дамни огоҳлик билан ўтаётганлигини мушохада этиш, мухофаза этиш ва шу холатни сақлаш экан.

Хожаи Жаҳон тасаввуф таълимотига киритган тўртинчи рашҳа "Ёддошт"дир. "Ёддошт" – иккита форс-тожик сўзларидан ташкил топган. "Ёд" – хотира, зеҳн, "дошт" – сақлашдир. "Рашаҳот" асарида бу рашҳага қуйидаги таъриф берилган: "Ёддоштким, мақсуд ондин ҳама ул турур Ҳақ Субҳаноллоҳу таолоға ба тариҳаи завҳ доимо огоҳ бўлмоҳдин иборатдур ва баъзи бу ибора бирла айтибдурларким, ҳузури беғайбат турур. Ва аҳли таҳҳиҳнинг наздида

Тоҳир Эшон ўз асарида таъкидлайдики, "Ёддошт"нинг маъниси улдурким, солик завку шавқ била мунтазам Ҳақ таолодин огоҳ бўлиб, фаромуш қилмағай. Ва баъзилар дебдурларким, онинг маъниси ҳузури дилдур, ғайбат ва ғафлат бўлмағай. Аҳли таҳқиқ уламолари дебдурларким, "Ёддошт" калимасининг маъноси улдурким, муҳаббати зотийнинг воситаси бирла дилга Ҳақ таолонинг ҳузурининг ғалабасидур.

Муҳаммад Порсо "Ёддошт"ни қуйидагича тавсифлаганлар: "Ёддошт" – хотирани сақлашдир, мушоҳада ва фоний бўлишдир".

Хожа Ахрор Хожаи Жаҳон асослаган тўрт рашҳани қуйидагича қисқа шарҳлаганлар: ёдкард зикрида қаттиқ ҳаракат қилиш, бозгашт – Ҳақ Субҳаноллоҳу таолога юзланиб, ҳар гал калимаи тойибани айтганда калимаи бозгаштни такрорлашдир, нигоҳдошт – тил билан эмас, балки дил билан зикр этишдир, ёддошт – нигоҳдоштда мустаҳкам туришдир.

Хулоса қилиб айтиш мумкинки, Хожаи Жаҳон хожагон таълимотига киритган янги тўрт ҳаётбахш тамойиллар "Ёдкард", "Бозгашт", "Нигоҳдошт" ва "Ёддошт" хотирани поклаш, унинг софлигини ҳимоя этиш, инсонни ғафлатдан уйғотиб, огоҳлик маҳомига етказишга ҳаратилган. Абдулҳолиҳ Ғиждувоний яратган бу ҳудсий, муҳаддас ҳаломлар инсониятни хотиржамлик маҳомига етказади. Хотиржамлик инсон хотирасининг Аллоҳ билан жам бўлиши, яъни ҳўшилишидир. Хотиржамлик ҳолати ҳаҳиҳий бан-

дага хос сифатдир. Банда дегани ҳамма жиҳатдан ҳар ишда ва ҳамма ҳолатда Аллоҳ билан боғланган саодатманд, пешқадам инсондир. Сўфийлар мудом таъкидлаганлар:

Зиндаги омад барои бандаги, Зиндаги бебандаги шармандаги.

Мазмуни:

Тириклик, ҳаёт, умр банда бўлиш учун берилган, Бандаликсиз, яъни Аллоҳ билан боғланмай яшаш шармандаликдир.

Сўфийлар орасида Саъдий Шерозийнинг қуйида-ги байтлари жуда ҳам машҳурдир:

Гуле, ки бўй надорад ба вай чаман ҳайф аст, Касе, ки фахм надорад ба вай сухан ҳайф аст. Диле, ки дард надорад ба вай бадан ҳайф аст, Саре, ки сажда надорад ба вай кафан ҳайф аст.

Мазмуни:

Қайси гулнинг ифори бўлмаса унга чаман ҳайфдир, Кимни фаҳми бўлмаса унга суҳан ҳайфдир. Қайси қалбда дард бўлмаса унга бадан ҳайфдир, Саждаси бўлмаган бош учун кафан ҳайфдир.

Абдулхолиқ Ғиждувоний ҳаётбахш рашҳалари инсонни шудай камолот даражасига юксалтирадики, ундан мудом муаттар ифор таралади ва ҳаёт чаманининг энг гўзал гулига айланади. Бундай инсонфаҳму фаросатли бўлиб, юрагида илоҳий ишқнинг дарди бор. У доимо ибодатда бўлган ҳақиқий инсондир.

Н.Х.Авлиёқулов "Нақшбандия таълимоти жаҳон цивилизацияси ривожланиши баёнида" асарида Абдулхолиқ Ғиждувоний хожагон таълимотига киритган тўрт рашҳани таҳлил этиб, ушбу босқичлар йиғиндиси илм олишнинг услубини ташкил этади, деб билдирганлар. "Ёдкард"ни илмни эгаллашнинг дастлабки босқичи, "Бозгашт"ни илмни қайта-қайта такрорлаш, "Нигоҳдошт"ни диққатни тўлиқ мақсад сари марказлаштириш малакасига эга бўлиш ва "Ёддошт"ни бунёдкорлик ва шукроналик, фикрларнинг ҳукмронлигига эришиш, яъни илмни теран тушуниш билан қиёслаб, улардан комил инсонни тарбиялаш жараёнида ҳозирги кунда ҳам фойдаланиш мумкинлигини таъкидлайдилар.

Убайдулло Қосимов "Хожа Абдулхолиқ Ғиждувоний. Хожагон тариқати рашҳаларининг психологик жихатлари" рисолаларида Хожаи Жахоннинг таълимотга киритган тўрт рашҳасини психологик нуқтаи назардан таҳлил этганлар. Бу асарда ёзилишича, Хожа Абдулхолиқ комиллик даражасиға кўтарилиш ва унга етишиш учун, инсон ўзини-ўзи бошқара билиши, ўз хаётий хатти-харакатларини ўзи тартибга солишни ўрганиши учун тариқатнинг "Ёдкард" психологик жараён боқичини ўташи зарур эканлигини кўрсатади. Муаллифнинг фикрича, тариқатдаги "Ёдкард" жараёни икки йўналишни, бир томондан ботиний, яъни Аллохни англаб, уни хотирга киритиш ва уни хотирга, қалбга мухрлашни, иккинчи томондан инсоннинг моддий хаётий харакатлари Аллох ёди билан илохий Аллох талаб этган халол, пок инсоний харакатлар, муносабатлар, муомалага кириши тарзини назарда тутади.

Демак, "Ёдкард" психологик амалиётининг натижасида киши инсоний ҳалол, покиза муносабатлар ва ҳаракатларни чуқур англаган ҳолда уларни хотирга киритиш ва Аллоҳни чуқур англаган ҳолда унга бўлган меҳр, ҳурмат ва унинг ёди билан барча покиза, ҳалол муносабатларни онглилик, онгостлилик, онгсизлик ҳолатларида ўзидан-ўзи намоён бўлишига эриша олади. Шунинг учун ҳам "Ёдкард" хотирага Аллоҳга бўлган чексиз меҳр, ёдини муҳрлаш, ҳалбга сингдириш орҳали кучли психологик ҳувват ҳосил ҳилиш билан барча инсоний муносабат ва ҳаракатларни ўзидан-ўзи тартибга солишга ва инсоний хулҳни ҳар хил муҳитда ўзидан-ўзи бошҳарилишига эришишдан иборат чуҳур психологик мураккаб жараёндир.

У.Қосимов ёзадиларки, "Ёдкард"да авваламбор, Аллоҳни ягоналиги, буюклиги, ҳамма нарсага қодирлиги, юксак поклиги, олий муҳаббат манбалиги, барча нарсадан ҳар лаҳзада воҳифлиги ва бошҳа фазлу карамларини англаш, тан бериш ва уларни хотирга киритиш учун уни улуғловчи калималарни зикр этиш орҳали аввал тил билан кейин эса онгостлилик ва онгсизлик даражасида ҳалб зикрига эришиш талаб ҳилинади. Бу рашҳа натижасида инсон учун энг муҳим аҳамиятли бўлган ички психологик мувозанат ҳосил бўлади.

Муаллиф тасаввуфда одамларни икки турга – нурий ва норий одамларга бўлинишини таъкидлаб, "Бозгашт" ва "Нигохдошт" қоидалари туб мохияти билан норий одамларни тўғри йўлга солиш ва нурий одамларни Хақ таолога яқинлаштириш усулидан бири бўлиб хизмат қилишини таъкидлайди. Хожагон таълимотидаги рашҳалар психологик-руҳий амал-

ларини қатъият билан онгли равишда иродавий зўр беришлар орқали бажариш билан киши психологик мувозанат – рухиятидаги эркинликка эришади. Бу рухий ички мувозанат, эркинлик эса ташқи дунёвий амалларда, муносабатларда барча ахлоқий ҳаракатларда ўз ифодасини топади. Хожаи Жаҳоннинг тарихда абадий қоладиган хизматлари шундаки, тўрт янги ҳаётбахш рашҳани яратиб, уларни хожагон таълимотининг тамойили сифатида киритдилар. Бу тамойиллар асосида яшаш инсониятга хотиржам бўлиш сирларини ўргатади ва уларни ҳақиқий банда бўлиб икки дунё саодатига эришиш йўлларини очиб беради.

ХАЁТБАХШ ЎГИТЛАРИ

Абдулхолиқ Ғиждувонийнинг ҳаётбахш ўгитлари "Васиятнома" асарларида тўпланган. Абдулхолиқ Ғиждувоний "Васиятнома" асарларини маънавий фарзандлари ва етук шогирди Авлиёи Кабирга атаб ёзган. Абдулхолиқ Ғиждувонийнинг "Одоби тариқат" – "Тариқат одоби", "Рисолаи васоё" – "Насихатлар рисоласи" хам шу асарнинг күринишларидир. Фазлуллох ибн Рўзбехон Исфахонийнинг "Маноқиби Хожа Абдулхолиқ Ғиждувоний" асарида бу ўгитларга шархлар ёзилган. Ибн Рўзбехон 1509 йил Ғиждувонга келиб, Хожа Абдулхолиқ Ғиждувоний қабрини зиёрат қилган. Зиёрат чоғида унга Хожаи Жахоннинг рисолаларини бериб, унга шарх ёзишни илтимос қилганлар. Ибн Рўзбехон рисолани уч кун ичида шарҳлаб, янги асар ёзган ва уни "Маноқиби Хожа Абдулхолиқ Ғиждувоний" деб номлаган. Манокиб уч бобдан иборат бўлиб, унинг учинчи боби "Васиятлар шархи" деб аталган.

Фазлуллоҳ ибн Рўзбеҳоннинг "Маноҳиби Хожа Абдулхолиҳ Ғиждувоний" асарини 2003 йилда Маҳмуд Ҳасаний таржима этиб, нашр ҳилганлар. Маҳомот, тазкира ва асосан шу манба асосида Хожаи Жаҳоннинг ҳаётбахш ўгитларини таҳлил этишни ният ҳилдик.

Комилхон Каттаев "Тасаввуф алломалари" китобида Мусохонхожа Дахбедийнинг "Зубдат ул-ҳақойиқ" китобларида Абдулхолиқ Ғиждувонийнинг "Васиятнома" асарларини тўла келтирганлигини қайд этганлар.

Абдулхолиқ Ғиждувоний инсон камолоти учун мухим шарт нафс тарбияси деганлар ва шундай

ўгит берганлар: "Банданинг юзи Ҳақ йўлида бўлсин ва "Китобуллох", яъни Аллохнинг каломи бўлган Қуръони Каримни ўнг қўлида тутсин ва Расул (с.а.в.), яъни Мухаммад пайғамбар (с.а.в.) суннатини сўл қўлида тутсин ва бу икки ёруғлик, яъни икки нур орасида юрса ўз нафсини бошкара олади". Хожаи Жаҳон бу ўгитни бир дарвешнинг саволига жавоб бериш асносида айтганлар. У дарвеш сўрадики, "Шайтонга Хақ йўлининг соликларига даст бўлғай?" Хожа буюрдиларки, "Ҳар соликки нафс фаноси сархадиға етмаган бўлса! Чунки анга ғазаб даст бергай. Шайтон анга даст топқай. Чун нафс фаноси хосил қилмиш бўлса, анга ғазаб бўлмас, анда ғайрат булур ва шайтон ғайратдин қочар. Бу сифат шундай одамга мусалламдирки, ул киши юқоридаги ўгитга амал қилса". Бундан маълум бўладики, инсон нафси фано чегарасига етган булса, яъни у ўз аммора нафсини устидан хоким бўлиб, ўз нафсининг ёмонликларини англаган бўлса, такдирдаги яхши ва ёмонликларга рози бўлади ва ғазаб қилмайди. Бу ишда инсонга ёрдам берадиган Қуръони Карим ва хадиси шарифдир. Хар бир инсон бу икки нурни қалбига жойлаб унга амал қилса, ўз нафсини бошқара олади.

Хожа Абдулхолиқ Ғиждувоний инсон икки оламда бахтли яшаши учун шундай ўгит берганлар: "Тақвони ўзингга шиор қил!", "Тақво" пархезгарликдир. Тақвонинг моҳияти номуносиб, ёмон нарса ва амаллардан қўрқиб қочишдир. Тақводор шундай инсонки, ўзини ёқимсиз нарсалардан ва гуноҳ ишлардан асрайди. "Шиор" араб тилидан олинган сўз бўлиб, баданга ёпишиб турадиган кийимга айтилади. Бу ўгит билан Хожаи Жаҳон тақвони ўзингга либос қил,

токи у борлиғингга ёпишиб турсин, токи ундан ҳеч ҳачон жудо бўлма, токи риё сенинг таҳвонгга йўл топмасин, демоҳдалар.

Фазлуллох ибн Рўзбехон "Маноқиби хожа Абдулхолиқ Ғиждувоний" асарида бу ўгитни шарҳлаб, қуйидаги рубоийни келтиради:

> Эй толиби Ҳақ, ба дўст пардоз мудом, Дар роҳи сафо алам барафроз мудом. Хоҳи, ки аз асҳоби шуурат хонанд, Таҳво ҳадди шиори худ соз мудом.

Мазмуни:

Эй Ҳақни қидирувчи, доимо Ҳаққа етишишни ўйла. Софлик йўлида доимо байроқни юқори кўтар. Сени шуур аҳлидан санашларини хоҳласанг, Тақвони сен ўз шиоринга айлантир.

Абдулхолиқ Ғиждувоний: "Ибодат вазифаларига мулозамат кўрсат!", деб насихат берганлар. Ибодат банданинг Ҳақ таоло ҳузурида қалби ва бутун вужуд амалларини бажариши билан ўзини ниёздмандлик ҳолатида тутишидир.

Хожаи Жаҳон: "Ўз аҳволингга муроқабат қилувчи бўл!", деб васият қилганлар. "Муроқабат" дегани кузатиш маъносини беради. Ўз аҳволингга муроқабат қилгувчи бўл деб, Хожа бандага ўз ҳолати ва нафсини мулоҳаза қилиб, ҳисоб-китоб қилишни талаб этганлар. Бу ўгит билан, "Маноқиб" муаллифнинг фикрича, ҳожа Абдулҳолиқ Ғиждувоний учта фикрни олға сурганлар:



Гунох ва ёмон хулқларнинг барчасидан қутулиш бўлиб, у товбани ўз ичига олади. Товба тариқатнинг асл ўзагидир.

Иродат, риёзат ва амалларда доимий барқарорлик.

Мухосаба ва муроқабанинг мартабаларига ишорадир.

Ибн Рўзбехон бу ўгитни шарҳлаб, қуйидаги рубоийни келтирган:

Онҳо, ки ба Ҳақ мусоҳабат ёфтанд, Аз хеш бад ў муносабат ёфтанд. Мебош муроқиб, ки бузургони жаҳон, Ин мартаба аз муроқабат ёфтанд.

Мазмуни:

Кимки Ҳақ билан суҳбатдошлик бахтини топгандир,

Ўзи билан Ҳақ ўртасида муносабат (сирини) топгандир.

Ўз ҳолингни кузатувчи бўлгинки, жаҳон улуғлари Бу мартабани муроқаба, яъни ўз-ўзини кузатишдан топганлар.

Ушбу ўгит ҳозирги кунда ҳам жуда катта аҳамиятга эга. Чунки бу ўгит ҳар бир инсонни ўзини англаши, ўзини идора қилиши ва вужудини ёвуз иллатлардан поклаб, эзгуликка равона этишига ёрдам беради.

Абдулхолиқ Ғиждувоний яна шундай ўгит берганлар: "Худонинг ҳаққини ва Расулнинг ҳаққини адо қил!" Ундан кейин насиҳат қилганларки, "Ота ва онанинг ҳаққини адо қил". Бу ўгитларни шарҳлаб Фазлуллоҳ ибн Рўзбеҳон қуйидаги рубоийни келтиради:



Мазмуни:

Аввало худонинг карамини танувчи бўл, Сўнгра Пайғамбарингни йўлини билувчи бўл. Худо ва Пайғамбар ҳаққини танигач, Ота ва онангнинг ҳаққини танувчи бўл.

Хожаи Жаҳон юқоридаги ўгитларига хулоса қилиб, таъкидлайдики, инсон тақводор, ибодатли ўз-ўзини назорат этувчи, Худо ва пайғамбар ҳамда ота – онанинг ҳаққини адо этувчи бўлса, бу хислатлар билан Ҳақ таолонинг ризосига мушарраф бўлади. Чунки бундай инсон покланади. Хожаи Жаҳоннинг бу ўгитларини шарҳлаб, "Маноқиб"нинг муаллифи қуйидаги рубоийни ёзганлар:

Покиза хисол боши андар хамма хол, К-аз хислати покиза шави ахли камол. Бехтар зи ризои Хак чи ёбад банда, Рози аст Худо зи марди покиза хисол.

Мазмуни:

Барча ҳолатларда покиза хислат эгаси бўл, Покиза хислатдан камол аҳли бўласан. Банда Худони розилигидан яхшироқ нима топа олади, Худо покиза хислат эгасидан розидир.

Хожаи Жаҳон яна шундай ўгит берадилар: "Худойи таолонинг фармонини бажар, у ҳам сени сақловчи бўлади!" Худо ўз бандаларига лутфу марҳамат қилиб,

шифо, нур, раҳмат, файзу баракот қилиб ўз каломи бўлган Қуръони Каримни нозил қилди. Шунинг учун Хожаи Жаҳон васият қиладилар: "Қуръонни ўқишни, хоҳ зоҳир бўлсин, хоҳ Қуръондан бўлсин, ошкору пинҳонда ўзингга лозим тут". Яна буюрадиларки, "Қуръонни тафаккур, тадаббур, ҳазинлик ва йиғи билан ўқи".

Хожаи Жаҳон ўз ҳаётбахш ўгитлари билан инсонни илм олишга чақиради. У киши ўзларининг "Васиятнома" асарида шундай ёзадилар: "Илм қидиришдан бир қадам ҳам узоқ бўлма". Бу васиятлари илм излаш жараёни инсон учун доимий одат бўлиши лозимлигига ишоратдир. Қуръони Каримнинг нозил бўлган биринчи оятлари ҳам ўқишга, илм олишга ва изланишга даъват билан бошланган. Бу ўгитни шарҳида қуйидаги рубоий келтирилган:

Эй толиби Ҳақ, зи илм маҳжур мабош, Аз баҳри жаҳон хаставу ранжур мабош. Хоҳи, ки ба қасри хулд наздик боши, Аз жустани илм як қадам дур мабош.

Мазмуни:

Эй Ҳақ толиби, илмдан айрилма, ажралма, узоқлашма,

Дунё учун хаста ва ранжур бўлма.

Агар хулд, яъни жаннатдаги боқий қасрга яқин бўлмоқни истасанг,

Илм қидиришдан бир қадам ҳам узоқлашма.

Илм излашда ҳақиқий устозни ўрни катта эканлигини таъкидлаб, Хожаи Жаҳон ўгит берадиларки,

"Нодон сўфийлардан эҳтиёт бўл ва уларнинг омийларидан узоқ бўлки, улар дин йўлининг ўғрилари ва мусулмонларни йўлдан урувчидурлар". Хожаи Жаҳоннинг бу ўгитлари ҳозирги даврда ҳам долзарб бўлиб, ёшларни турли оҳимлар таъсирига тушиб ҳолишидан ва жоҳил, нодон кишиларга шогирд бўлиб ҳолишидан саҳлайди. Яна шу ўгитларга уйғун ҳуйидаги фикрни билдирганлар: "Суннатга ва жамоатга мулозим бўл ва уламолар мазҳабида бўлгинки, ҳар ҳандай бидъат гумроҳликдир".

Хожаи Жаҳоннинг ўгитлари ҳалол ризқ топишга ва меҳнатсевар бўлишга ундайди. Бу маънида қуйидаги ўгитларни берадилар: "Икки қўрс-нонга рози бўл", "Ҳалол егинки, ҳалол яхшиликларнинг калитидир. Ҳаромдан қочгинки, Ҳақ таолодан узоқ тушмагайсан", "Эртага дўзах олови куйдирмайдиган ишни қил ва ибодатдан ҳаловат топиш учун ҳалолдан кийни", "Доимо Ҳақ таолодан қўрқувда бўл ва ёдингда бўлсинки, бир куни қилмишингдан ҳисобга тутиласан." Бу ўгитларни шарҳ этиб, ибн Рўзбеҳон шундай рубоийни келтирадилар:

Зинҳор, ки дур бош аз ризқи ҳаром, То ту дур наяфти зи худованди жаҳон. Рўзии ҳалол қулфи дил бикушояд, Мифтоҳи ҳамаи чиз ҳалол аст мудом.

Мазмуни:

Албатта ҳаром ризқдан узоқда бўл, Шунда Худодан узоқлашмайсан, Ҳалол ризқ қалб қулфини очади, Чунки, доимо барча нарсаларнинг калити ҳалолдир.




Хожаи Жаҳон ўз ўгитлари билан ҳар бир инсонни камтарин бўлишга, ўзаро чиройли муомала қилишга, одобли ва ҳаёли бўлишга ундайдилар. Бу маънида куйидаги насиҳатларини айтиб ўтганлар: "Ном чиҳармасликка интилгинки, динни барбод қиласан", "Бировнинг маҳтовига учма, биров сени ёмонласа ҳафа бўлма, ҳалҳнинг маҳтову ёмонлаши сен учун бир ҳилда бўлсин", "Халҳ билан чиройли муомала ҳил", "Яҳши ёки ёмон ҳолатларнинг барчасида одобли бўл ва барча ҳалҳҳа марҳаматли бўл", "Жувонмард бўл ва Худои таоло сенга нимаики берса ўзгаларга ато ҳил", "Баҳиллик ва ҳасаддан узоҳ бўлгинки, баҳил ва ҳасадчи дўзаҳ оловида бўлади", "Зарурат бўлмагунча оғзингни очма". Бу ўгитларни шарҳлаган "Маноҳиб" муаллифи қуйидаги рубоийларни келтиради:

Саттори ҳамма уюб бояд будан, Ғамхори ғами қулуб бояд будан. Гар дар талаби ризоии Холиқ боши, Бо ҳалқ ба ҳулқи ҳуб бояд будан.

Мазмуни:

Барча айбларни ёпувчи бўлмоқ лозимдир, Қалблар ғамини еювчи бўлмоқ лозимдир. Яратувчи ризолигининг талабида бўлсанг, Халқ билан чиройли хулқда бўлмоқ лозимдир.

Абдулхолиқ Ғиждувоний барча инсониятга қарата айтганлар: "Халқнинг оғирини енгил қилмоқ лозим. Қўл ишда ва қалб Аллоҳ билан бўлиши керак". Бу билан Хожаи Жаҳон Аллоҳ ризолиги йўлида ҳалол меҳнат қилиб, эл-юрт фаровонлиги учун ҳаракат қилишга чақирганлар. "Даст ба кору, дил ба ёр", "Қўл



Нақл килишларича, Хожа Абдулхолиқ айтдилар "Кимдаким беш хислат бўлмаса уни бародарликка қабул қилманглар:"

Биринчи, теран фикр сохиби бўлсин;

Иккинчи, илмига амал қилсин;

Учинчидан, раҳм-шафкатни хорликдан устун қуйсин;

Тўртинчидан, ҳолу ҳол (шариат ва тариҳат) илмидан хабардор бўлсин (яъни, кўнглини нафсу ҳирс ғуборидан поклаб, зоҳирий ва ботиний покликка эришиш);

Бешинчидан, ўлимга доим тайёр турсин.

Хулоса қилиб айтиш мумкинки, Хожа Абдулхолиқ Ғиждувоний ўзларининг "Васиятнома" асарлари ва бошқа асарларида ёзган ўгитлари баркамол инсон тарбияси учун муҳим маънавий-маърифий манба сифатида хизмат қилади. Бу ўгитлар инсонни ҳалол яшашга, илм олишга, меҳнатсевар ва гўзал хулқ соҳиби бўлиш руҳида тарбиялайди.

ХОЖАИ ЖАХОН РУБОИЙЛАРИ

Хожа Абдулхолиқ Ғиждувонийга оид манбаларда у киши томондан ёзилган рубоийлар келтирилган. Хожа Абдулхолиқ Ғиждувоний ҳаётига доир асосий манбаларни таржима этган олим Маҳмуд Ҳасаний таъкид этганларки, Абдулхолиқ Ғиждувоний етук пиру муршид бўлгани билан бирга забардаст шоир ҳам бўлганлар.

Эргаш Очилов Абдулхолиқ Ғиждувонийнинг рубоийларини жамлаб, таржима ва таҳлил этиб "Муҳаббат тароналари" асарига киритган. Охирги йилларда Абдулхолиқ Ғиждувоний ҳақида нашр этилган мақола ва рисолаларда у кишининг қаламига мансуб деб, рубоийлар келтирилган. Айтиш лозимки, кўп ҳолатда Абдулхолиқ Ғиждувонийга мансуб деб ҳисобланган рубоийлар аслида Фазлуллоҳ ибн Рўзбеҳоннинг "Маноқиби Хожа Абдулхолиқ Ғиждувоний" асаридаги Хожаи Жаҳоннинг васиятларини шарҳлаш учун ёзилган рубоийлардир.

Манбаларда кўрсатилган Хожаи Жаҳоннинг рубоийлари ватанпарварлик, тинчликсеварлик, илоҳий ишқ, инсонпарварлик, меҳр-мурувват, меҳнатсеварлик, одоб-аҳлоқ руҳида ёзилган. Тинчлик, дўстлик руҳида ёзилган рубоийлардан бирида Хожаи Жаҳон шундай ёзганлар:

Бар дўст муборакам, бар душман – шум, Дар жанг чу оханам, дар сулх чу мум. Сарчашмаи нур Ғиждувон манзили мост, Ман тиғи дудама мезанам то дар Рум.

Мазмуни:

Дўстларга муборакман, душман учун шум, Урушга қарши темирдай қаттиқман, сулх учун мумдай юмшоқман.


Нур сарчашмаси бўлган Ғиждувон бизнинг манзилимиздир,

Биз икки учли тиғмиз, Румга қадар урурмиз.

Бу рубоий тахлили шуни кўрсатадики, Абдулхолиқ Ғиждувоний дўстлик, ҳамкорлик, ҳамжиҳатлилик, аҳиллик, тинчликнинг тарафдори бўлиб, душманлик, қарама-қаршиликка зид бўлганлар. У киши уруш ва жанжалга қалқондек қарши туриб, тинчликни ва осудаликни ҳимоя этганлар. Ватанлари Ғиждувондан фахр этиб, ота-оналари яшаган макон Рум — Туркиядаги Малатя шаҳрини ҳам унутмаганлар. Хожаи Жаҳоннинг бу рубоийлари ҳозирги даврдаги миллий ғоямизнинг ватан равнақи, юрт тинчлиги, миллатлараро дўстлик, ижтимоий ҳамкорлик, диний бағрикенглик ғояларига уйғундир.

Хожа Абдулхолиқ Ғиждувонийнинг "Бар дўст муборакам," деб бошланадиган рубоийларини таҳлил этаётганда, "Мен икки дамли тиғман" деган иборанинг моҳиятини тўла англамаган эдик. Фотима Темурнинг "Кўнгил дўстлари" китоби ёрдамида бу Хожаи Жаҳон томонидан айтилган Аллоҳ томонидан берилган буюк башорат эканлиги маълум бўлади.

Саъид Нафисий Абдулхолиқ Ғиждувонийнинг "Рисолаи соҳибия" муқаддимасига Абдулхолиқ Ғиждувоний форс тилида шеърлар ҳам айтганини, бошқа сўфий шоирлар каби ундан фақат рубоийлар ҳам сақланганлигини ёзган. Муқаддимада Саъид Нафисий Абдулхолиқ Ғиждувоний номи билан машҳур бўлган қуйидаги рубоийларни келтирган:



Зинхор ба интиком машғул машав, Бадро бадии хеш кифоят бошад.

Мазмуни:

Агар дилингда бирор кимсадан шикоят бўлса, Ундан кўнглингни оғриғи бағоят бўлса, Асло ундан ўч олиш билан машғул бўлма, Чунки ёмоннинг ёмонлиги кифоят бўлур.

Эргаш Очиловнинг "Нақшбандия таълимоти ва миллий маънавиятимиз" тўпламида чоп этилган "Хожаи Жахон рубоийлари мўъжизаси" маколасида юқоридаги рубоий батафсил тахлил этилган. Эргаш Очилов фикрича, бу рубоий хам панд-насихат, хам фалсафий, хам диний, хам тасаввуфий, хуллас, бир неча маъно талкинига эга. Биринчидан, бирор киши сенинг кўнглингни оғритса, бундан изтироб чексанг-да, ундан ўч олишни ўйлама, зеро, ёмонга ёмонлиги етарли жазодир, деб насихат қилинмоқда. Иккинчидан, ёмоннинг ёмон бўлиб яратилганлиги унга бир умрлик жазодир. Ёмонга бундан ортик жазо бера олмайсан, деб фалсафий хулоса чикарилган. Учинчидан, яхшилик хам, ёмонлик хам Худодан, сен ҳам ёмонга тенг бўлсанг, илоҳий амрларга қарши борасан деган диний хулоса чиқарилган. Тўртинчидан, мўмин кишида кек – адоват бўлмаслиги керак. Бешинчидан, тасаввуфда бировга жабру жафо қилиш таомили йўқ. Олтинчидан, халқ орасида яхшиликка яхшилик – хамманинг иши, ёмонликка яхшилик – мард кишининг иши деган улуғ бир хикматни сингдиради. Еттинчидан, рубоийнинг асл

моҳияти шундаки, ёмонликка ёмонлик қайтаришни ўйлаган киши том маънодаги яхши одам эмас.

Рў дар сафи дўстони мо бошу матарс Хок дар остонаи мо бошу матарс. Гар жумла жахон ба қасди жонат хезан, Дил дор қави ва з-они мо бошу матарс.

Мазмуни:

Дўстларимиз томон юз қўйгину қўрқма, Остонамиз тупроки бўлгину қўрқма, Гар жумлаи жаҳон сенга қасд қилсалар ҳам Дилни маҳкам тутиб, бизлар билан бўлгину қўрқма.

Бу рубоий орқали Абдулхолиқ Ғиждувоний хожагонлар таълимоти инсонни икки дунё саодатига етказиши ва шунинг учун бу йўлда бўлган инсон хавф-хатарлардан қўрқмаслиги кераклигини таъкидлаган.

Дарвеш, ки нишаста дар кўху дара, Он жо, ки палангу шер аз ў дар гузара. Пирони қавий дорему, мардони сара, Ҳар кас, ки ба мо каж нигарад жон набара.

Мазмуни:

Тоғ ва адирларда ўтирадиган дарвешлармиз, Йўлбарс ва шерлар бор жойлардан ўтамиз. Кучли пирлар ва яхши мардларимиз бор, Ким бизларга эгри боқса, саломат қолмайди.

Бу рубоий орқали Хожаи Жахон таъкидлайдиларки, хожагонлар таълимотидаги пиру муршид,



ҳақиқий мардларнинг иймони жуда мустаҳкам ва кучли инсон бўлганлар. Оллоҳ уларни доим ҳифзу ҳимоясида сақлаган.

Чун мегузарат умр, кам озори бех, Чун медихадад даст накўкори бех. Чун киштаи худ ба дасти худ медарави, Тухме, ки накўтараст агар кори бех.

Мазмуни:

Умр ўтар экан, озор бермаслик яхшидир, Қўлингдан келар экан эзгу иш қилганинг яхшидир. Ўз экканингни ўз қўлинг билан ўрар экансан, Асл бўлган уруғни экканинг яхшидир.

Бу рубоийда тасаввуф аҳли учун хос бўлган мурувват ва саҳоват сифатлари тарғиб қилинади. Муаллиф ҳар ким экканини ўради, деган фалсафани баён этади.

"Мақомоти Хожа Абдулхолиқ Ғиждувоний" асарида ҳазрати Хожаи Жаҳоннинг айтган рубоийларидан бир нечтаси киритилган:

Жоно, лабам аз зикри ту хомуш мабод, Ёди ту зи хотирам фаромуш мабод. Ҳар жо зи шамоилат ҳадисе гўянд, Зарроти вужуди ман ба жуз гўш мабод.

Мазмуни:

Жоним (Аллоҳим), лабим сенинг зикрингдан ҳеч тўхтамасин,

Сенинг ёдинг хотиримдан асло фаромуш бўлмасин. Қаерда сенинг гўзал жалолу жамолингдан сўз кетса, Менинг вужудимни хар бир зарраси қулоққа айлансин.

Хожаи Жаҳоннинг бу рубоийлари, у кишининг устозлари Юсуф Ҳамадоний ўгитларига асосан яратган рашҳалари хотирани поклаш учун зарур "Ёдкард", "Бозгашт", "Нигоҳдошт", "Ёддошт" нинг моҳиятини очишга ёрдам беради.

Хожаи Жаҳоннинг илоҳий ишқни куйлаб яратган қуйидаги рубоийлари бор:

Они ту, ки аз номи ту борад ишқ, Аз номаву пайғоми ту борад ишқ. Ошиқ шавад он кас, ки ба кўяд бигзарад, Гўё зи дару боми ту борад ишқ.

Мазмуни:

Аллоҳим, Сен шундай Зотсанки, номингдан ишқ ёғади,

Сен иншо этган, яратган нарсалар ва хушхабарларинг, каломларингдан ишқ ёғади.

Сени таниган, кўчангдан ўтган ҳар бир киши, Сенга ошиқ бўлади.

Гўёки, Сен яратган борлиқнинг эшигу томидан ишқ ёғади.

Шу мазмунда яна Хожаи Жаҳоннинг қуйидаги рубоийлари бор:

Жоно, зи ту то чанд андух кашам? Ин бори ғами гарон чун кўх кашам?! Дилдор агар туи, дилдода манам, Андух кашам аз туву, андух кашам.



Мазмуни:

Жоним, Аллоҳим, Сен учун қачонгача андуҳ тортаман?

Тоғ каби бу оғир юкни қачонгача кўтараман?! Сен кўнгил олувчи бўлсанг, мен Сенга кўнгил берувчиман,

Сендан андух тортаман, бу дардни кўп тортаман.

* * *

3-ин гуна, ки жилва он диловез кунад, Ошиқ аз бало чи гуна парҳез кунад? Бод аз маломати касон дар гўшам, Лекин боде, ки оташам тез кунад!

Мазмуни:

Ўша дилни тортувчи Аллох бу гўзал равишда жилва этса.

Ошиқ унинг ишқида куймай не айласин? Одамларни маломати қулоғимга эсиб турсада, Бу шамолдан менинг ишқим олови баландроқ ёнади!

Тоҳир Эшоннинг "Тазкираи нақшбандия" асарида қуйидаги рубоий Ҳазрат Хожаи Жаҳонга мансублиги ёзилган:

Эй Хожа, туро ғами жамоли жоҳ ҳаст, Андешаи боғу роғу хирмангоҳ ҳаст. Мо сўхтагони оташи тажридем, Моро ғами Ла илаҳа иллалоҳ ҳаст

Мазмуни:

Эй хожа, сенда улуғ мартабаларнинг ғами бор, Боғу роғ ва хирмонгоҳларнинг андешаси бор, Биз тажрид(яккалик) оловида куйганлармиз, Бизда фақатгина Ла илаҳа иллалоҳнинг ғами бор.

Юқоридаги рубоийларда Хожаи Жаҳон илоҳий ишқ мартабаси, ошиқнинг аҳволи, ишқ дардининг инсонни камолотга етказиши каби масалаларини ёритиб, барча боғланишлардан узилиб, фақатгина Аллоҳга боғланишга чақиради. Бу билан бутун мавжудот ўсимликлар ҳайвонот, бани башар Аллоҳнинг жамолу жалолини тажаллий этишини таъкидлаб, Аллоҳни севадиган инсон Аллоҳ яратган, ҳалқ этган нарсаларни ҳам севиши, ардоқлаши, эъзозлаши ва холис Аллоҳ ризолиги учун уларга муҳаббат билан қараши лозим деган ғояни илгари суради.

Тоҳир Эшон асарларида қуйидаги байтларни Хожаи Жаҳонники деб ёзганлар:

Мулке, ки заминаш ҳама анбарсорост, На мамлакати Хисраву, Кайхусраву, Дорост. Се бор бигаштам ҳама рўи заминро, Мулке, ки Латиф асту Шариф аст Бухорост.

Мазмуни:

Барча тупроғидан анбар ифори тараладиган мулк, Хисрав, Кайхусрав, Доронинг мамлакати эмас.



Бутун ер юзини уч марта кезиб чиқдим, Латиф ҳам, Шариф ҳам бўлган мулк Бухородир.

Бу мисралар Хожаи Жаҳоннинг ватанпарвар эканлиги, ўз ватани билан ғурурланиши ва фахрланишини кўрсатади.

Хулоса қилиб айтганда, Хожаи Жаҳон рубоийлари тасаввуф таълимотининг назарий қоидалари ифодаси билан илоҳий ишқу инсонийлик тараннумини ҳам кўрамиз.

ТАСАВВУФГА ОИД АЙТГАНЛАРИ

Ўзбекистон Фанлар академияси Шарқшунослик институтининг қўлёзмалар хазинасида "Аз гуфтори Хожа Абдулхолик Ғиждувоний" ("Хожа Абдулхолик Ғиждувонийнинг айтганлари) номли рисола сақланаётганлиги хақида манбашунос олимлар М.Хасаний ва М.Раззокова маълумот берганлар. Улар бу китобнинг айрим бобларидан таржималарни Абдулхолиқ Ғиждувоний таваллудининг 900 йиллигига тухфа сифатида тайёрлаб нашр этганлар. Таржимонларнинг фикрича, бу рисоланинг муаллифи номаълум. Рисола савол-жавоб тарзида ёзилган бўлиб, ўн учта бобни ўз ичига олади. Рисолада Хожа Абдулхолиқ Ғиждувонийнинг тасаввуфга оид тавба, иродат, мурид, зикр, шайх, дарвешлик йўлининг одоблари, зухд, такво, хотира ва уни таниш, калб, сабр, ризо, муҳаббат, садоқат, тафвиз, таслим, шукр ва таваккулга оид берилган саволларга жавоблар ёзилган. Бу рисола шуни кўрсатадики, Абдулхолик Ғиждувоний тасаввуфнинг амалий томонлари билан биргаликда назарий томонларини хам ёритиб берганлар.

Рисоланинг биринчи бобида тавба ва унинг шароитлари ҳақидаги масала ёритилган. Тасаввуфда тавба Ҳақ йўлнинг бошидир. Тавбанинг маъноси Ҳақ ризолигига хилоф бўлган ҳар қандай сўз ва амалдан ҳайтишдир. Рисолада ёзиладики, Хожаи Жаҳонга бир киши шундай савол беради: "Тавбайи насуҳ нимадир?". Хожа Абдулхолиқ Ғиждувоний жавоб берганлар: "Тавбайи насуҳнинг учта белгиси бор: Биринчиси, нимаики Аллоҳнинг ризолигига хилоф бўлса, дарҳол ундан ҳайтишдир. Иккинчиси, ғафлат,

бефармонлик билан ўтган ва бехуда, зое бўлган вақтларга доимо пушаймон бўлишдир. Учинчиси, қайта гунох қилмасликка азм ва жазм қилишдир".

Абдулхолиқ Ғиждувоний тасаввуфнинг асосий тушунчаси бўлган зикр ҳақида шундай деганлар: "Кўп зикр шундай зикрки, у узулишсиз пайдар-пай бўлади. Зикрда ҳеч ҳачон ғафлатга йўл ҳўйилмаслиги керак". Абдулхолиқ Ғиждувоний асослаган Хожагон таълимотларида дил зикрини тавсия ҳилганлар. Хожаи Жаҳон дил зикрининг тўрта шарти борлигини айтганлар ва зикр шайх ҳайси тартибда ўргатган бўлса, шу тартибда амалга ошишини таъкидлаганлар. У киши зикрда луҳмага эҳтиёт бўлиш лозимлиги, шубҳали луҳма дилни ҳорайтиришини ва ҳорайган дилдан зикр ҳосили чиҳмаслигини таъкид этганлар. Бу билан зикр аҳлини ҳалол луҳмага эътибор беришга, яъни меҳнатсевар, инсофли ва диёнатли бўлишга чаҳирганлар.

Рисоланинг олтинчи бобида дарвешлик йўлининг одоблари ҳақида ёзилган. Бу бобда дарвеш доимо таҳоратли бўлиши бу йўлнинг зарурий шарти эканлиги таъкидланган. Бу билан Абдулхолиқ Ғиждувоний ҳақиқатга етишмоқчи бўлган инсонни зоҳиран ва ботинан пок бўлишга чақирадилар. Бу эса инсонни ҳам жисми, ҳам кийимлари, ҳам манзилу маконларини пок сақлшга ундайди. Бу эса пок ниятнинг асосидир. Таҳоратли ва пок ҳолда юриш инсонни шайтон ва инсу жин каби яширин душманлардан сақлайди.

Рисоланинг еттинчи бобида ёзиладики, Абдулхолиқ Ғиждувонийдан сўрайдилар: "Зуҳд нимадир?" - У киши жавоб берадилар: "Зуҳд уч ҳарфдан иборат бўлиб, ҳар бир ҳарфи бир маънога эгадир. "З"

ни дунё зийнатидан воз кечиш, "Х" ни ҳаво (беҳуда эҳтиросдан), "Д" ни дунёдан олганлар. Демак, мурид, яъни Хақ йўлини ирода этган киши дунё зийнатларидан бутунлай юз ўгириши, яъни уларга боғланмаслиги, улардан фақат эзгулик йўлида фойдаланиши, ҳавони, яъни беҳуда эҳтиросларни ўз қадамлари остида топташи, дунёдан эса бутунлай қўл ювиши керак". Хожаи Жаҳоннинг фикрларича, аслида зуҳд шундайки, дунёнинг тамоми моли унинг қўлида бўлса ҳам, дилида бу молу дунёга заррача меҳр қўймайди. Бундай киши етук кишидир. Унинг моли, яъни бойлиги дину диёнати ва имонидир. Бундай инсон Аллоҳ берган неъматлардан нифоқ эҳсон қилувчи саховатпеша ҳолатидаги кишидир.

Рисолани саккизинчи боби "Фикрларни таниш ва унинг одоблари ҳақида" деб аталади. Таржимонлар хавотир сўзини фикрлар деб таржима этганлар. Бизнинг фикримизча, уни хотиралар дейиш тўғрироқдир. Чунки, Абдулхолиқ Ғиждувоний устозлари Юсуф Хамадонийнинг ўгитларига амал қилган холда, хотира масаласи билан махсус шуғулланганлар. У кишининг фикрларича, хотира тўрт хил бўлади: рахмоний, яъни илохий, малакий, яъни фаришталарга хос, нафсоний ва шайтоний. Хотирани таниш инсонни икки дунё саодатига етиштиради. Хожаи Жахондан сўрайдиларки, "Хотирани таниш нима билан хосил бўлади?". У киши жавоб берадилар: "Биринчиси шуки, хотирани таниш учун, яъни хотира асосида вужудга келган фикр, рахмоний, малакий, нафсоний ёки шайтони эканлигини англаш учун, аввало тахоратли бўлиш лозим. Инсон хам зохиран, хам ботинан тахоратли бўлиши керак. Ботин тахорати, яъни кўнгил поклигининг шартлари кўпдир. Чунончи, харом

қилинган нарсаларни кўришдан кўз пок бўлиши, ғийбатларни ва ёлғонларни гапиришдан тил пок бўлиши, харом овозларни эшитишдан қулоқ пок бўлиши, шариатда ушлаш мумкин бўлмаган нарсаларни ушлашдан қўл пок бўлиши, бориш мумкин бўлмаган жойга боришдан қадам пок бўлиши лозим. Бу беш тахорат юзага келса, демак ботин тахорати мукаммал бўлган бўлади. Бу шартлардан яна бири шуки, ҳалол луқма ейиш, озгина ейиш, аммо Хақ ёди билан ейиш лозим. Яна бошқа бир шарти шуки, Қуръонни тафаккур билан ўқиш, кечаси туриш, сахарда зорланиш ва кундузи яхши кишилар билан сухбат қуришдир". Демак, инсон ўз хотирасини таниши, яъни хотирасини рахмоний ва малакий бўлишига эришиши учун пок, халол луқмага амал қиладиган, Қуръонни ўқийдиган, ибодатли, ниёзманд ва яхши кишилар билан хамсухбат бўлиши керак экан.

Тасаввуфнинг энг асосий тушунчаларидан бири калб ва унинг саломатлиги масаласидир. Хадиси шарифда ҳам ёзилганки, инсон жасадидаги юракнинг саломатлиги бутун вужудга таъсир этади. Абдулхолиқ Ғиждувонийдан сўрайдиларки, "Бемор дилнинг давоси нима?" - Хазрат шундай жавоб берганлар: "Унинг давоси шуки, уламоларнинг сухбатига интилади, уларнинг хизматида туради, уларнинг айтганини қабул қилиб, машойихлар хузурида бўлади. Шундагина унинг дилидан дунёга бўлган мухаббат кетади. Расулуллох (с.а.в.) шундай мархамат қилганлар: "Ўлим келмасдан аввал унга тайёргарлик кўринглар". Инсон ўз умргузаронлиги жараёнини кўздан кечириши, хар бир амалидан огох бўлиши ва ўлимни эслаши қалбнинг саломатлигига боғлиқдир. Калбнинг саломат бўлишига эса уламолар билан ҳамсуҳбат бўлишнинг ўрни жуда катта экан. Ҳамсуҳбатнинг қандайлиги қалб ҳолатига таъсир этади. Беҳудага Президентимиз Шавкат Мирзиёев: "Ўз болангни ўзинг асра" деб, оилаларни огоҳликка даъват этмадилар. Чунки ҳар бир ота-она боласини ким билан дўст бўлаётганини билса, унинг боласи ёмон кишилар таъсирига тушмайди.

Тасаввуфнинг энг мухим тушунчаларидан яна бир сабрдир. Сабр – нафсни жиловлашнинг асосий воситасидир. Абдулхолиқ Ғиждувонийдан сўрайдилар: "Сабрли банданинг аломатлари қандай?" -Шайх шундай жавоб берганлар: "Аломати учтадир: Биринчиси халқдан унга захмат етса, бунга эътибор қилмайди, ҳеч кимга айтмайди, чунки айтиш Хақ таолодан шикоят қилишдир. Иккинчиси, кўнгилда эътироз қилмайди. Учинчиси, бадавлат киши моли билан қандай фахрланса, у бошига келган балога шундай фахрланади". Хожаи Жахон сабрнинг энг асосий белгиси сифатида ризони кўрсатмокдалар ва ризо тушунчасини шундай изохлайдилар: "Ризо бу шодликдир, яъни Хак таоло томонидан балолар ва кулфатлардан нимаики етса, бунга хушнуд бўлади ва кўнглида бу балоларга қарши эътироз қилмайди. Чунки балолар дўстдан (Аллохдан) келаётганини англайди". Хожаи Жахоннинг бу фикрларидан тасаввуф ахли учун хос бўлган бир сифат Аллохнинг ризолигига эришиш эканлиги намоён бўлади.

Тасаввуфдаги энг асосий тушунчалардан бири муҳаббат ва садоқатдир. Хожаи Жаҳондан сўрайдиларки: "Муҳаббатнинг асл ҳақиқати нимадир?". У киши жавоб берганлар: "Муҳаббатнинг ҳақиқати шундаки, маҳбубнинг муҳаббати муҳибга нисбатан шу даражада ғалаба қиладики, унинг барча сифатла-

Бу рисолада таҳлил этилган тушунчалардан яна бири тафвиз ва таслимдир. Бу тушунчаларни Абдулхолиқ Ғиждувоний қўйидагича изоҳлаганлар: "Келмаган нарсага чора кўришни танлаш, яъни қазо келмасдан бурун рози бўлиб туриш тафвиздир. Таслим эса ҳали келмаган нарсага эътироз билдиришдан қўл тортишдир, яъни бандага келган ҳар қандай ҳукм ва ҳазога на зоҳирда ва на ботинда эътироз билдирмайди. Таҳдирдан келган яхши ва ёмон кунни ҳам Аллоҳдан деб билиб, унга бир хилда уни сокин ҳарши олиб кузатади".

Абдулхолиқ Ғиждувоний таҳлил этган тушунчалардан бири шукрдир. У кишининг фикрича, неъматларнинг шукри шундайки, бу неъматлар учун Аллоҳнинг фармонларига амал қилишда осий бўлмайди, яъни бу неъматларни ҳалол йўл билан ўз меҳнати эвазига топиб, уни исроф қилмасдан ва уни Аллоҳга ҳамду санолар айтиш билан истеъмол этади. Шукр ва шукроналик жамиятга тинчлик, ҳалоллик, аҳиллик, осойишталик, хотиржамлик ва баҳту саодат келтиради.

Хожаи Жаҳонга савол берадиларки: "Таваккул нимадир?". – У киши таваккулни шундай тушунтирганлар: "Таваккул банда барча тадбир ва сабабларни ушлаши ва ишининг натижасини Аллоҳга топширишидир. Чунки, Аллоҳга ким таваккул қилса Аллоҳ уни ҳимоя қилувчидир". Бу ердан таваккул деганда, қўлни қовуштириб, Аллоҳдан ризҳни кутиб туриш эмас, балки ҳалол меҳнат ҳилиб,

унинг самарасини ва ажрини Аллох томонидан берилишига комил ишонч билан боқиш назарда тутилади.

"Мақомоти Хожа Абдулхолиқ Ғиждувоний"да Хожаи Жаҳоннинг тасаввуфга оид фикрлари масала деган изоҳ билан келтирилган. Бу асарда таслим тушунчаси қуйидагича ёритилган:

Бир дарвеш "Таслим нимадур?" – деб сўради. Хожа Абдулхолиқ дедилар: "Таслим шундай нарсаки, Мийсоқда нафс ва мол Худога сотилган ва жаннат харид қилинган, бугун менга таслим қилурсанки, нафс ва мол таслими шу важдан бўлурки, нафсини Хақники деб билур, бироқ Хақ харжи сифатида кўргай, шу туфайли мол билан ҳам, нафси билан ҳам Худонинг бандаларига яхшилик қила олсин ва ҳеч кимга миннат қилмасин, ўзини уларнинг ботинида деб билсин. Молу дунёга ўз ботинидан йўл бермасин ва шунда ўзини унинг ҳукми ва қазосига таслим қилган бўлади".

"Таслим" деганда Абдулхолиқ Ғиждувоний бандага берилган нафс ва мол тўла ҳаммаси Аллоҳники эканлигига ишониб, у бандага омонат сифатида берилганлигини англашидир, дейди. Шунинг учун уларни фақат Худонинг бандаларига эзгулик йўлида сарфлаш лозим. Аммо моли ва жони билан хизмат қилаётганда шу хизматидан рози бўлиб, миннат қилмасдан бу ишни амалга ошириш лозим. Моли инсоннинг ботинида бўлмаслиги, балки фақат Аллоҳ рози бўладиган ишга сарфланганида ҳақиқий таслим ҳолати бўлади.

"Мақомот"да қалб тушунчаси ҳақида ҳам масала берилган. Бир куни ходим Абдулхолиқ Ғиждувонийдан сўради:



- Дилнинг фароғати нима? Абдулхолиқ Ғиждувоний жавоб бердилар:
- Дил фароғати шундайки, дунё машғулотидан озод бўласан. Чунки Хақ таоло Расул (с.а.в.)га: "Эй Муҳаммад, барча мавжудотдан форуғ бўл, ўшанда бизнинг хизматимизга машғул бўл", деб буюрди. Бас, Худованди таолонинг бир тоифа бандалари бордурки, уларни олди-сотди ва халқ билан бўлган муомала Аллоҳ зикридан тўхтата олмайди. Мен уларни яхши кўраман. Агар қўлингиздан келса, сиз ҳам улардан бўлсангиз, бу сизга муборак бўлур. Агар бундай бўлолмасангиз, унда шундай одамларга молингиз билан хизмат қилинг, уларнинг хотиржамлик, дил фароғати учун зарур воситаларни муҳайё қилинг, токи уларнинг давлатлари неъматидан баҳраманд бўлгайсиз.

Хожаи Жахоннинг бу фикрлари хожагон таълмотидаги "Хилват дар анжуман" рашҳасига мос келади. Зикрда бўлган инсонни бирор машғулот, ҳатто тижорат ва инсонлар билан муомала ҳам чалғита олмаслиги лозим. Хожаи Жаҳон шогирдларига шундай амал тутиш лозимлигини таъкид этмоҳдалар. Мабодо шу даражага етишга ҳийналсангиз, шу камолот даражасига етган инсонларга молу жонингиз билан хизматда бўлинг ва уларни хотиржам дил фароғати билан зикрда бўлишлари учун зарурий воситаларни муҳайё ҳилинг, дейдилар. Ана шунда бундай улуғ инсонларнинг давлати неъматидан баҳраманд бўла оласиз. Бунинг сабабларини Хожаи Жаҳон ҳуйидагича тушунтирганлар:

- Улар амалга оширган ҳар тоат ва ибодат ўша сиз берган луқма орқали юз беради. Натижада унинг савоби луқма соҳибига ҳам етади. Уларнинг сўзлари

ва камолот даражаларининг савоби сохиби лукманинг амаллар девонига битилгай. Хар ким уларнинг хизмати ва муҳаббатини кўнглига солса қиёмат куни уларга қайтарилажақдур. Ўша сохиб давлатларда баъзи вақтлар бўлурки, "Ли маллох" вақтининг хосиятига эга бўлур. Ўша вақтда Илоҳий жузъиёт тасарруфига қодир бўлурлар. Бу холатда уларнинг нафслари осмон ва замин аҳлининг муомалаларини билур. "Хаққа яқин бўлмоқ жин ва одамларнинг амалига тенгдир" сўзининг хазинасидур. Бу сохиб давлатларнинг ушбу холидан насиба шундай пайтда, яъни уларга хизмат қилганда хосил бўлурки, Машрик ва Мағриб аҳли бунинг ҳисобини ҳила олмаслар. Бас, хар ким бу дунёда арзимас нарса билан бу тоифанинг хизматини қилса ҳам Ҳақ таоло унга қанчадан-қанча савоб ва мархаматларни кўрсатур.

"Мақомот"да ёзиладики, олам хожаси Абдулхолиқ Ғиждувоний айтганларки, ҳазрати Муҳаммад Мустафо (с.а.в.) буюрадиларки, "Дунё ҳоли нарвоннинг мисолига ўхшайди. Бу нарвон билан иллийинга чиқса бўлур, ёки бу нарвон билан асфал ус-софилинга кетса бўлур". Бу ҳадисни изоҳлаб Хожа Абдулҳолиқ Ғиждувоний дедилар:

- Дунё молини ҳам жаннат даражалари ва Ҳаққа яқинлик даражасига айлантирса бўлур, ёки дўзахни топиш ва ҳазрати Ҳақдан узоқлашиш даражасига айлантириш ҳам мумкин. Чунончи, Худойи таоло саодат кимёгарлиги билан буюрадики: "Сенга дунё молу неъматларидан нимаики берган бўлсак, охиратни қидир, дунёдан нимаики насибанг бўлса, уни унутма". Бу шу нарсага ишораки, молу дунёдан сенинг насибанг шу миқдордаки, уни ҳавою нафс йў-

лида сарф қилганингдан кўра Худо розилиги йўлида харж қилганинг яхшидир. Кимки молу дунёни ҳавою нафс йўлида харж этса, Куръондаги Худо огоҳлантириши остида бўлади. "Молу дунёни ўз жойига харж қилмаганлар шайтоннинг биродарларидир". Демак, ақлли киши ўзини шайтонга биродар қилмайди ва бунга йўл қўймайди.

Демак, "Аз гуфтори Хожа Абдулхолиқ Ғиждувоний" рисоласи ва "Мақомоти Хожа Абдулхолиқ Ғиждувоний" даги масалалар Хожаи Жаҳон маънавий меросида тасаввуфий тушунчалар таҳлилига оид ғоят қимматли фикрлар мавжудлигидан далолат беради. Тасаввуфий тушунчалар таҳлилига оид Абдулҳолиқ Ғиждувонийнинг фикрлари Хожагон ва Наҳшбандия таълимотининг шаклланиши ва ривожлашига катта ёрдам берган.

УСТОЗГА ЭХТИРОМ

Хожа Абдулхолиқ Ғиждувонийнинг маънавий меросидаги асарлардан бири у кишининг устозларига эхтиромлари баён этилган маноқибдир. Мустақиллик даврида Хожа Абдулхолиқ Ғиждувонийнинг "Мақомоти Юсуф Ҳамадоний", "Рисолаи Шайх-ушшуюх ҳазрати Абу Юсуф Ҳамадоний", "Рисолаи соҳибия", "Рисолаи фуқароия" номли асарлари форсий тилдан ўзбек тилига таржима этилиб, чоп қилинганлиги муҳим воқеа бўлди. Бу асарлар турли номлар билан аталса-да, барчаси Хожа Юсуф Ҳамадонийга бағишланган.

Эронлик машҳур олим Саъид Нафисий "Рисолаи соҳибия" номли Абдулхолиқ Ғиждувонийнинг асарини Теҳронда ҳижрий 1332 йилда "Фарҳанги Эрон-Замин" номли тўпламнинг 1-жилдида эълон қилган. Абдулхолиқ Ғиждувонийнинг бу асарини буҳоролик шоира Ибодат Ражабова ҳам 1993 йилда эркин таржима қилган.

Нақшбандшунос олим Ориф Усмон 1993-йил "Рисолаи Шайх-уш-шуйух Юсуф Хамадоний" ёки "Рисолаи фуқароия" деган Абдулхолиқ Ғиждувоний асарлари билан танишиб, уларнинг таржималари асосида Шайх Юсуф Хамадоний ҳақида ёзганлигини маълум қилган.

Абдулхолиқ Ғиждувоний "Мақомоти Юсуф Ҳамадоний" китобида пиру муршидлари Юсуф Ҳамадонийнинг сурат ва сийратларини баён қилган.

"Мақомоти Юсуф Ҳамадоний"да Ҳазрат Абдулхолиқ ўз устозларини қадам-бақадам кузатиб, ҳар бир қиладиган ишлари, ҳар бир айтган сўзларини баён қилган. Шуни таъкидлаш жоизки, Ҳазрат Юсуф Ҳамадоний Бухоро, Самарқанд, Марв (Мори), Хоразм, Бағдод, Макка, Мадина ва бошқа шаҳарларда бўлиб, у ерларда илм олган. Ҳазрат икки юз ўн учта буюк аллома, шайхлар билан ҳамсуҳбат бўлгани манбаларда ҳайд ҳилинган. Қуръони Каримни минг марта хатм этган, тафсир, ҳадис, фиҳҳ, усул, фуруъ ва каломга оид 700 та китобни ёд олган. Ул зоти шарифнинг етти юздан ортиҳ шогирдлари авлиёлик даражасига эришган.

Абдулхолиқ Ғиждувонийнинг "Мақомоти Юсуф Қамадоний" асарида ёзилишича, Хожа Али Форма дийнинг тўртта энг етук халифа (ўринбосар) лари бўлган:

- 1.Хожа Абдулло Мунир Амиқий
- 2.Хожа Исҳоқ Фахр Насрободий
- 3.Хожа Хамидиддин Мултоний
- 4.Хожа Юсуф Хамадоний.

Шуни ҳам таъкидлаш жоизки, Хожа Али Формадийдан Ҳазрат Имом Муҳаммад Ғаззолий, Аҳмад Ғаззолий, Юнус Сажовандий, Сайид Аҳмад Бедистоний, Хожа Солмон Фарёбийлар ҳам таълим олиб, улуғ мақомларга эришганлар.

Абдулхолиқ Ғиждувонийнинг "Мақомоти Юсуф Хамадоний" асарида ёзилганки, "Бир кун Хазрат Юсуф Хамадоний менга қараб дедилар: "Мен Хожаи Калон (яъни Формадий) нинг тўртинчи халифалари бўлганим каби, сиз ҳам менинг тўртинчи халифамсиз". Шундан сўнг кўзлари ёшга тўлди. Мен сўрадим: "Сизнинг ўрнингизда ким халифа бўлгай?!". Шайх дедилар: "Эй, Абдулхолиқ, ўрнимда Абдулло Барқий бўлиб, сўнг Хожа Ҳасан Андоқий ва кейин Хожа Аҳмад Яссавий бўлар. Хожа Аҳмад Яссавий Туркистонга сафар этгай, унинг ўрнида сиз халифа бўлгайсиз. Хамма вақт шариат хукмларига амал айланг ва ҳеч қачон шариатга зид ишни этманг ва кимники шариатга зид иш этаётганини кўрсангиз, ани ман айланг!"8

Юсуф Хамадонийнинг турмуш тарзи шундан далолат берадики, аллома жуда хушмуомалали киши бўлиб, юксак камолотга етган инсон сифатида халқнинг самимий хурмати ва эъзозига лойик булган. Хазрат Хамадоний қалби эгри, фосиқ, такаббур, маккор, золим, халққа озор берувчи, порахўр, бидъат билан шуғулланувчи, мазҳаби бузуқ, ҳаромхўр, ноҳақ қон тўкувчи, бенамоз, риёкорларга танбех берар ва тавба этиб, ушбу иллатларни тарк қилишларини амр қиларди. Агар улар бу иллатларни тарк этмаса, ундайлар билан хамсухбат бўлмас эди. Хазрат умрида хеч кимни хақорат қилмаган, хатто тилига "лаънати", "бадбахт", "ит" деган ҳақорат сўзларни умуман олмаганди. Хамадонийнинг одоб-ахлоки, киладиган ишлари суннатга мувофик бўлиб, Хазрат пайғамбар (с.а.в.)га издош, пайрав эди.

Абдулхолиқ Ғиждувоний устозини эъзозлаб ёзадики, Юсуф Ҳамадоний жуда пок, ҳалол ва меҳнат-каш инсон эдилар. Ул зоти шариф деҳқончилик ва косиблик (этикдўзлик, ямоқчилик) ҳунарлари орҳали ризҳ-рўзини топарди. Ҳалол касбдан топган маошларини бева-бечора, етим-есир, кўзи ожиз, мусофир, камбағал, толиби илмларга эҳсон ҳиларди. Беморлар ҳолидан тез-тез ҳабар олар, уларга меҳрибонлик кўрсатарди. Доимо ўзи билан жойнамоз, мисвок, атир, тоза қўл рўмолча, шунингдек, кулча, майиз, ҳурмо ҳам олиб юрар ва ҳамсуҳбатларига улашарди.

⁸ Хожа Абдулхолиқ Ғиждувоний. Мақомоти Юсуф Ҳамадоний. Т.: "Янги аср авлоди", 2003. 14-бет.

Юсуф Ҳамадоний "умрларида бирон марта тиланчилик қилмаган, муридларини ҳам бундан қайтарар эди". ⁹ Таом ейишда ҳалол ва покликка эътибор берарди. "Бозорда пиширилган овқатдан емасди". ¹⁰ Бировнинг насибасига ва луқмасига кўз олайтирмас, тўсқинлик қилмас эди. Мулойим сўзлар, юраётганда оҳиста қадам ташлар эди. Ҳалол еб, ҳалол меҳнат қилувчиларни дўст тутарди. Халқ орасида ҳалолдан кийишга ва ҳалол меҳнат билан кун кечириш лозимлигини ташвиқ этарди. Ҳар оқшом ўтган кунининг ҳисоб-китобини қиларди, ризқ ғамини емасди.

Хожаи Жахон эътироф қилиб ёзганларки, устозлари Юсуф Хамадоний бировга озор бермасди. Юсуф Хамадоний таомларини ўзи пиширар, кирларини ўзи ювар, кийимларини ўзи ямарди. Ямокли кийимни яхши кўрарди. Шуни таъкидлаш жоизки, ўша асру айёмда зарбоф тўнлар киймок, заррин камарлар боғламоқ бойлар, дарбор ахли, зодагонларга расм бўлган эди. Мусулмонлар ботинни эмас, балки зохирни безай бошладилар. Хазрати пирнинг оддий кийим, хатто ямокли кийим кийиши зохирпарастларга танбех бўлган. Ямоқли кийим – кибру манманлик кушандаси, камтарлик белгиси. Бу - нафсини ўлдирган, нафсини хору зор қилган кишилар либоси. Бу – ички дунёсини зийнатлаган ахли такво, ахлуллохларнинг либоси. Хазрат от минмас, зарурат бўлганда эшакка миниб сафар қиларди.

Юсуф Хамадоний жуда камтарин инсон бўлиб, сухбатларда, давраларда олимлигини, авлиёлигини асло ошкор этмасди. Сухбатдошларидан ўзларини

⁹ Хожа Абдулхолиқ Ғиждувоний. Мақомоти Юсуф Ҳамадоний. Т.: "Янги аср авлоди", 2003. 17-бет.

¹⁰ Ўша ерда, 18-бет.

баланд тутмас, ҳеч кимни таҳқирламас, мазах қилмас, кимни кўрса, унга "Хожа!" деб мурожаат қиларди. Умрида бирор маротаба ҳам оёқларини узатиб ўтирмаган. Ҳеч нарсани ва ҳеч кимни камситмас эди. "Гапираётганда мен демасди. Агар эҳтиёж бўлса "бечора" дерди. Ҳеч кимни қарғамас, учраган мўминга салом берар эди, ҳар бир кириб келган киши учун оёққа турарди". Хеч кимга ҳасад қилмасди. Номаҳрам хотин-қизларга, инчунин, болаларга асло тикилиб қарамасди.

Абдулхолиқ Ғиждувоний сўзларининг тахлили шуни кўрсатадики, Юсуф Хамадоний ўз нафсини жиловлаб олган инсон тимсоли эди. Кимдан бир яхшилик кўрса, уни бир неча баравар қилиб қайтарар эди. "Кўнгилдан севувчи ва севилувчи сидку сафо ахлига мансуб бир инсон эди. Ихлосли, халим ва саховатли зот эди. Аллохга доим шукр қилар, асло шикоят этмасди. Хақ қисматига рози, ҳар лаҳза ўлимга тайёр эди. Омонатга хиёнат этмас, қариндош-уруғларни тез-тез зиёрат қиларди. Қўни-қўшничилик ҳаққига риоя қиларди. Йўлларни йўловчиларга азият етказувчи нарсалардан тозалаб юрарди". 12 Шогирдларига нафсни танишга ва кўнгилга келадиган тушунча (хавотир)ларни билишга харакат қилинг, деб ўгит берарди. Тасаввуфда ҳақиқий сўфийларни нафси ўлик кишилар деб, улуғлаганлар. Юсуф Хамадоний хам шундай улуғвор инсон булиб, у кишининг турмуш тарзида ҳам буни кўриш мумкин бўлган. Масалан, қиш кечалари ёстиқ ишлатар, ёзда

¹¹ Хожа Абдулхолиқ Ғиждувоний. Мақомоти Юсуф Қамадоний. Т.: "Янги аср авлоди", 2003. 20-бет.

¹² Ўша ерда, 21-бет.

эса буйра устида суяниб ётарди. Ўз замонасида бу ҳам камтаринлик белгиси бўлган. Касалларни бориб кўрар, муҳтожларга ҳарз берар, лекин уни ҳайтиб олмас эди. Бирор нарса ёки бирор кишини лаънатламас эди. Шогирдларига ғийбат ҳилишдан ва ҡўп сўзлашдан саҳланишни маслаҳат берарди. Шундай улуғ зотдан таълим кўрган Абдулхолиҳ Ғиждувоний, устозига муносиб шогирд бўлиб камолга етганлар.

ИБРАТЛИ РИВОЯТЛАР

Махдуми Аъзам томонидан ёзилган "Маноқиби Хожа Абдулхолиқ Ғиждувоний" асаридаги ривоят ва нақллар Хожаи Жаҳоннинг камолот даражаларини кўрсатади.

Ривоят килишларича, муридлари Хожага савол берибдилар: "Шайхим сиз қандай қилиб бу икки дунё саодатига эришгансиз?" Абдулхолик Ғиждувоний жавоб бердилар: "Ишладик, едик, лекин ўзимизни кўрмадик". Шогирдлари: "Бу сўзларни маъноси нима, бизларга тушунтиринг", - дебдилар. "Эй дарвешлар, билингларки, пайғамбар (с.а.в.) нинг айтишларича, "ишладик" - "Ман кона-л-лоҳа, кона-л-лоҳ лоҳу," яъни "Ҳар ким Оллоҳ билан бўлсин, Оллох ризолиги билан ишласин, Оллох хам у билан ва ундан рози". Биз Оллох ризолиги йўлида ишладик. "Едик" дегани қуйидаги оятда мувофикдир: "Ва инна-мо-л-мўминлика ихватун," яъни "Мўминлар бир- бири билан бародарлар". Дунё фарзандлари ва дин бародарларини ғами билан бўлдик. "Ўзни кўрмадик" деганининг маъноси "Ва ютъимуна-и-таъолла ало хуббихи мискинан ва ятийман ва асийро" – "Мехр-мухаббат юзасидан мискин, етим ва есирларга озик-овкат беринг" каломига мувофик, Оллох берган хар неъматни Оллох йўлига сарфладик, худбинлик қилмадик, ўзимизни кўрмадик. Етим-есир ва бева-бечораларга мехр-муҳаббат билан мурувват кўрсатдик. Сизлар шу ишларга амал килинг, токи саодатманд бўлиб, обрў-эътиборга мушарраф бўлгайсиз. Албатта улуғ даража, макомларга етиб, Оллохнинг хос бандаларига айланасиз.

Нақл килишларича, кароматлар сохиби, башоратчи Шайх Нажмиддин Кубро Чингизхон хужуми замонида бомдод намозидан сўнг Оллохга берган неъматлари учун шукроналик қилиб, анча ўйга толибдилар, кейин бош кўтариб сахобаларига: "Бу сарзаминга бир бало якинлашаяпти, бу вилоятга зиён тегади", дебдилар. "Бу балони фақат унинг кучи билан даф қилиб бўлади, у бизни биродаримиз Хожа Абдулхолиқ Ғиждувонийдир". Икки муридни Хожа хизматига юборибдилар. Айтдиларки: "Биродаримизга айтинглар, дуо вактида Оллохдан гунохларни авф этишни сўрасинлар, шояд у кишининг дуолари шарофатидан, мўминлар охир замон балосидан нажот топсалар". Қосидлар, яъни элчилар йўлга тушдилар. Уларга йўлга бир карвон учради, улар билан сўрашиб Хожа холидан сўрадилар. "Хожанинг жаноза намозини ўтказиб Бухородан чикдик. Бухоро ва бухороликлар үчүн қиёмат бўлиб, улар кўзига ёруғ олам тор бўлган", – деб карвондагилар жавоб беришди. Қосидлар йўлларидан қайтиб Шайх Нажмиддин Кубронинг олдиларига келдилар ва Хожа Абдулхоликнинг дунёдан ўтганини хабар қилдилар. Шайх умидларини узиб, "Биз Оллохданмиз, яна унга қайтамиз", – дедилар. Яна айтдилар: "Оллох агар бирор қавмни бошига бало ёғдирмоқчи бўлса, ё бирор фитнаю зиён етказмокчи бўлса, аввало ўз валийсини олади ва сўнг балосини юборади. Энди балони келиши аник, фитнаю зиённи азобу захмат билан чекамиз".

Нақл қилишларича, Хожа Абдулхолиқ Ғиждувоний айтган эканлар: "Агар бизга ўтирган чивин биздан учиб бошқа кишига қўнса, қиёмат куни Оллох уни оловдан (дўзахдан) омон бермаса, биз ором олмаймиз".

Бир кун Хожа хизматида бир дарвеш дер эрдики, агар Аллох таоло мани бехишт билан дўзах орасида мухайяр қилса, мен дўзахни ихтиёр қилурмен. Чунки, харгиз нафсим муродига муносиб иш қилмасдурмен. Бу холда бехишт нафс муродидур ва дўзах Хакмуроди. Хазрат Хожа ул сўзни рад қилдилар ва дедиларки, "Бандаға ихтиёр билан не иш, хар қаён деса бор, борурбиз ва қаён деса бўл, бўлурбиз, бандалиқ будур! Йўқ улки сен айтасан".

"Мақомоти Хожа Абдулхолиқ Ғиждувоний"да шундай нақл келтирилган: Хожаи Бузруг Хожа Абдулхолиқ тариқат аҳллари билан ўтириб, илми ладуний музокараси билан машғул эдилар. Шу аснода Хожа Абдулхолиқ тафаккурга чўмдилар ва шогирдларига шундай дедилар:

- Эй фарзандларим, ҳозир бўлингки, бир марду майдон яъни Яссавий Ато давлатининг байроғи ва саодатининг ноғораси навозишга кирди. Аллоҳ таоло тавфиқи билан тез орада бу содиқ дарвеш етиб келур. Кўплар суҳбат шарафига ноил бўлурлар!

Бу сўзларни айтиб туриб, сўрадилар:

- Ичингизда ким бордурки, мусофирларга хизмат камарини боғлагай?

Хожа Аҳмад Сиддиқ бу хизматни ихтиёр этди. Ва мусофирларни кутиб олиб, уларни машойихлар орасидаги одат бўйича эъзозу икром қилди. Сафар муддати поёнига етгандан кейин мусофирлар ўз юртларига қайтдилар. Хожа Аҳмад Сиддиқнинг бу холис хизматлари учун Хожа Абдулхолиқ у киши ҳақларига чексиз сано ва беҳад мақтовлар айтдилар ва дедилар:

- Эй фарзанд, сен бойликни тарк қилганинг учун арвохлар олами сенга насиба берди. Сен мусофир-

лар хизматини ўзингга лозим тут, токи икки жахон саодати ва боқий давлат сенга муяссар бўлғай!

Хожаи Жаҳоннинг шу назарлари туфайли Хожа Аҳмад Сиддиқ тариқат асҳобларининг пешвоси ва ҳақиқат арбобларининг қибласига айланди.

Нақл қилинишича, тариқат асҳобларидан бири Хожа Абдулҳолиқни зиёфатга таклиф этган эди. Хожа зиёфатда ҳозир бўлдилар ва ҳеч нарса емадилар. Зиёфат соҳиби ейишни ўтиниб сўради. Хожа дедилар:

- Хамир қориган киши бетаҳорат бўлган экан, биз учун бу таомдан емоқ жоиз эмаски, ундан еб вақтимизни ғорат қилмагаймиз!

Суриштириб кўришса, ахвол Хожа айтгандек бўлган экан.

Нақл қилинишича, Хожа Абдулхолиқ бир куни толиб дўстларга дарс айтиш билан машғул эдилар. Ярамас кишилардан бир жамоат уларнинг ёнларида зиёфат уюштириб, фасод ишлар билан шуғуллана бошладилар. Ҳазрати Хожа Ориф бу ҳолни манъ қилдилар ва уларга ҳайбат назари билан боқдилар. Бунинг таъсиридан улар ўртасида жанжал кўтарилиб, қасрдан тушиб ҳалок бўлдилар. Бу воқеани эшитиб, Хожа Абдулхолиқ Хожа Орифга қарата шундай дедилар:

- Эй фарзанд, тарбият ҳайбат ва ҳалокат учун эмас, хизмат ва марҳамат учундир.

"Мақомоти Хожа Абдулхолиқ Ғиждувоний"да шундай ёзилган: Бир киши Абдулхолиқ Ғиждувонийдан илтимос қилиб, деди:

- Менга насиҳат сўзини айтсангиз, токи бу насиҳатга амал қилиб, қиёмат куни омон бўлувчилардан бирига айланай!

Хожа Абдулхолиқ дедилар:

- Уч нарса борки, ҳар ким бу уч нарсани яхши кўрса Худодан йироқ бўлади. Бу учдан бири шуки, ҳар кимса тинимсиз хуш таомлардан ейишга ҳарис бўлса, дўзахга яқинроқ бўлади, дўзах эса унга яқин бўлади. Ҳар ким хасис бойлар билан ўтиришни одат қилса, бошқаси эса дабдабали либос кийишга интилса. Чунки бу уч нарса ҳавойи нафсдандир, ҳар ким ҳавойи нафс йўлидан юрса, дўзах унинг жойи бўлади. Бу ишлардан зинҳор узоқ бўл, токи қиёмат куни ночор аҳволда қолмагайсан!

Нақл қилинишича, Хожа Абдулхолиқ асҳоблари билан Каъбага кетаётган вақтларида йўлда ташналик асҳобларга таъсир қилиб, бағоят ташна қолдилар. Ногоҳ бир қудуққа етиб келдилар, бироқ асҳобларда челак ва арқон йўқ эди. Хожаи Бузрукка:

- Асҳоблар ғоят ташнадурлар, бироқ челак билан арқон йўқдур, таҳоратга ҳам муҳтождурмиз, – дедилар.

Хожа Абдулхолиқ:

- Ходимни чақириб келинглар, деб буюрдилар. Ходим келгач, унга дедилар:
- Мен қудуқ олдига бораман ва намоз ўқишни бошлайман, сизлар сувдан ичиб, таҳорат қилинглар.

Сув қудуқ қирғоқига чиқди. Барча сувдан ичиб таҳорат қилдилар. Шу пайт бирталари куза келтириб, сув билан тулдирган эдиларки, сув яна қудуқнинг тагига тушиб кетди. Хожа Абдулхолиқ дедилар:

- Эй дўстларим, агар сизлар Худога ишонч қўйганларингизда, бу сув то қиёматгача қудуқ тагига тушиб кетмас эди!

ШОГИРД ЭЪТИРОФИ

Хожаи Жаҳон устозларини эъзозлаганлари каби, шогирдлари ҳам у кишини камолотларини эътироф қилиб асарларида ёзган. Бухорои Шарифнинг иккинчи пири Муҳаммад Ориф Ревгарий ўз устози Абдулхолиқ Ғиждувоний камолот даражаларини эътироф этиб, ўз қўллари билан ёзган қимматли дурдона – "Орифнома" асарида устозлари ҳақида қуйидаги тавсифларни баён этганлар: Маъдани ҳақойиқ, яъни ҳақиқатларни ўзига жамлаган хазиналар кони, толиъал алойиқ, яъни Аллоҳ билан алоқалари кўриниб турувчи юлдуз, бахт иқбол қуёши, жаноби фоиқ, яъни юксак мартабали жаноб, кошифи Субҳоний, яъни илоҳий сирларнинг кашф этувчиси, дину дунё шайхи, муқтадоси, яъни пешвоси ва мавлоноси.

"Орифнома" асарида келтирилган фикрлардан маълум бўладики, Абдулхолиқ Ғиждувоний Маккаи Мукаррама ва Мадинаи Мунаварани зиёрат қилиш ниятида Ҳаж сафарига борганлар ва уч йил бўлмаган вақтларида Ғиждувон хонақохига ўринбосар сифатида Ориф Ревгарийни қолдириб кетган эканлар.

Ориф Ревгарий асарларида ёзадиларки, Хожа Абдулхолиқ дедилар: "Ислом асоси уч нарсададур: Биринчиси – ҳар тоате ва ибодатеким айларсиз, унинг илмидан воқиф бўлинг! Иккинчиси – ҳар илмники ўрганибсиз унга амал қилинг! Учинчиси – ҳар амалники этгайсиз сидқу ихлос билан адо этгайсиз". Ориф Ревгарий устозларининг бу ҳаётбахш ўгитларини ўз шогирдлари ва келгуси авлодга ёзиб қолдиришдан мақсадлари исломнинг асоси бўлган бу уч нарса билан таништиришдир. Токим шогирдлар

ва келажак авлод унга амал қилсинлар. Исломнинг бу уч асоси ёшларни аввало илм олишга чақиради, иккинчидан илмига амал қилиш лозимлигини таъкидлайди ва учинчидан ҳар бир амални холис Аллоҳ ризолиги учун бажаришга даъват этади.

"Орифнома" асарида Абдулхолиқ Ғиждувонийнинг фаросат илми сохиби эканликларини кўрсатувчи Ориф Ревгарий ўзлари гувох бўлган бир каромат баён этилган: Ашуро ойи эди. Жамоа Хазрат Хожа сухбатларида хозир бўлиб, Абдулхолиқ Ғиждувоний эса маърифатдан сабоқ бераётган эдилар. Баногох бир эркак зохид ва соликлар суратида пайдо бўлди: эгнида хирка, кифтида сажодда (жойнамоз), хонақохга кирди, бир бурчакда ўтирди ва бир соатдан кейин ўрнидан туриб, хазрат Хожага деди: "Мўминнинг фаросатидан қўрқинг! Чунки у улуғ ва қудратли Аллох нури билан боқади" ҳадисининг сирини бизга билдиринг!" Хожа дедиларки, "Бу ҳадиснинг сири шуки, зуннорингни кесгайсан ва иймон келтиргайсан" ул мард зуннори борлигини инкор этди.

Хожа бир ходимларига буюрдилар, ходим йигитнинг хирқасини ечди ва белидаги бекитик зуннори намоён бўлди. Ул йигит зуннорини кесди ва иймон келтирди. Хожа дедилар: "Эй ёронлар, бу навахд йигитким, зохир зуннорини кесиб, иймон шарафига мушарраф бўлди, биз хам ботин зуннориники иборатдур ужбдин кесайлик ва қайта иймон келтирайлик". Даврадагиларда ажиб бир хол пайдо бўлди ва хаммалари тавба ва истигфорларини тоза айлаб, қайтадан иймон келтирдилар.

Ориф Ревгарий ўзлари гувох бўлган бу вокеани ёзиб қолдириб, устозларининг илми фаросатдан

•••

хабардорликлари ва соҳибкаромат эканликларини эътироф этганлар. Шу билан бирга суҳбатдошларда ҳам ички зуннор, яъни ужб, ман-манлик, худбинлик, шуҳратпарастлик, риёкорлик мавжудлигини англатиб шу воҳеа орҳали улардаги ужбни, яъни ички зуннорни йуҳотишга муваффаҳ буҳдилар. Демаҳ, бу ибратли воҳеа Ҳаҳ йуҳлидагиларни камтарин, иймонли ҳилиб тарбиялашга ёрдам беради.

БАХОУДДИН НАҚШБАНДНИНГ РУХИЙ УСТОЗИ

Хожа Бахоуддин Нақшбанд хақидаги манбаларда у кишининг увайсий эканлиги ёзилган. Увайсий - ботиний, рухлар воситаси ила маънавий, рухий тарбия бўлиб, хос кишиларга Аллох изни билан берилади. Манбаларда Бахоуддин Нақшбанд увайсий эканликлари ва рухий тарбияни хазрат Абдулхолик Ғиждувонийдан олганликлари таъкидланган. Бахоуддин Накшбанд 1318 йилда таваллуд топганлар. Абдулхолиқ Ғиждувоний 1220 йилда вафот этганлар. Оралиқда 98 йил ўтган бўлсада, Абдулхолик Ғиждувонийнинг даражалари шунчалик юксак бўлганки, Бахоуддин Нақшбандни тарбия қила олган. Хожаи Жахон Бахоуддин Накшбандга хожагон тарикатининг бошланиши, ўртаси ва охири хакида таълим берганлар. Манбаларда бу хакда куйидаги маълумот келтирилган: "Хақиқатда у киши (Бахоуддин Нақшбанд) увайсий бўлиб, Хожа Абдулхолик Ғиждувоний рухиятидан тарбия топганлар".

Абдулхолиқ Ғиждувоний Баҳоуддин Нақшбандга фақатгина истеъдод ва қобилият борлигини айтиш эмас, балки Аллоҳ томонидан берилган, муборак фитратларидаги, истеъдод ва қобилиятни ривожлантириш учун нима қилиш лозимлигини ҳам айтдилар ва у кишига буюрдилар: "Барча ҳолатда ҳам қадаминг амру наҳий кўчасида бўлсин, азимат била амал қил, суннатни ҳамиша жойига қўйишга интил, рухсатлар ва бидъатлардан узоқ бўл, доимо Мустафо (с.а.в.)нинг ҳадисларини ўзингга пешво қилиб ол, Расулуллоҳ (с.а.в.) ва унинг улуғ Абдулхолиқ Ғиждувонийни Баҳоуддин Нақшбандга берган биринчи ўгитлари: "Барча ҳолатда қадаминг амру наҳий кўчасида бўлсин." Бу билан Абдулхолиқ Ғиждувоний Баҳоуддин Нақшбандга мудом яхшилик ва эзгулик йўлида, яъни Ҳақ кўрсатган йўлга собитқадам бўлишни ва Аллоҳ томонидан ман этилган, тақиқланган, ҳаром қилинган нарсалардан узоқ бўлишни буюрганлар.

Абдулхолиқ Ғиждувонийнинг иккинчи ўгитлари: "Азимат билан амал қил!" "Азимат" – араб тилидаги сўз бўлиб, бирор ишга қасд қилиш, ният этиш, интилиш, йўналиш маъноларини билдиради. Баҳоуддигн Нақшбанд ҳар бир эзгу амал қилаётганда яхши ният билан, бутун куч – қувватларини йиғиб интилишлари лозимлигини Абдулхолиқ Ғиждувоний таъкид этганлар.

Баҳоуддин Нақшбанд камолоти учун зарур деб, Хожаи Жаҳон томонидан буюрилган учинчи ўгит: "Суннатни ҳамиша жойига қўйишга интил!" Суннат Муҳаммад (с.а.в.) ва саҳобалари тутган йўл ва пайғамбарнинг буйруқларидир. Баҳоуддин истеъдод ва қобилиятларининг очилиб ва равшан ёнишига ёрдам берувчи учинчи восита суннатга амал қилиш экан.

Абдулхолиқ Ғиждувонийнинг Баҳоуддин Нақшбандга берган тўртинчи ўгитлари: "Рухсатлар ва бидъатлардан узоқ бўл!" "Бидъат" – араб тилидан олинган бўлиб, динга кейин қўшилган урф-одат маъносини англатади.

Абдулхолиқ Ғиждувонийнинг Баҳоуддин Нақшбандга буюрган бешинчи ўгитлари: "Мустафо (с.а.в.) нинг ҳадисларини ўзингга пешво қилиб ол!" Бу билан пайғамбар (с.а.в.) айтган сўзлари, қилиб ўтган амаллари ва гўзал ахлоқларини ўзингга ибрат қилиб, уларни пешво, яъни йўлбошчи, раҳбар қилиб ол, деб айтганлар. Ҳадислар Қуръони Каримдан кейин турадиган диннинг асосий манбаларидир. Баҳоуддин Нақшбанд ўз истеъдод ва қобилиятларини ривожлантириш учун ҳадисларни ўрганишлари ва уларга мукаммал амал қилишлари лозимлиги таъкидланган.

Баҳоуддин Нақшбандга кўрсатилган олтинчи йўл: "Расулуллоҳ (с.а.в.) ва унинг улуғ саҳобалари ахбору асарларини изловчи ва ўрганувчи бўл!" Демак, Баҳоуддин Нақшбанд Муҳаммад (с.а.в.) ва унинг саҳобаларидан қолган ўгитлар, ҳабарлар ва асарларини излаб топиб, уни ўрганиб, уларга амал қилиши лозим эканлигини Хожаи Жаҳон таъкидлаганлар.

Муҳаммад Порсо ўзининг "Рисолаи қудсия" асарида Баҳоуддин Наҳшбанднинг маърифатга оид биринчи муҳаддас каломларини изоҳлаб, шундай таъкидлаганлар: "Баҳоуддин Наҳшбанд сулуҳда Абдулҳолиҳ Ғиҗдувонинйнинг бу амрларига (юҳоридаги олтита буйруҳларига) ҳиёмда бўлиб, яъни ҳойим туриб амал ҳилардилар. Ҳаҳ таоло инояти билан ҳар бир васият амали натижасини ўзларида мутолаа ҳилардилар. Алония, яъни очиҳ зиҳрига амал ҳилмадилар. Натижада ўз ботин аҳволларида тараҳҳий — юҳсалишни мушоҳада ҳилардилар. Шунинг учун ҳуйидаги муҳаддас сўзни Ҳаҳ йўли толибларига айтганлар". "Рисолаи ҳудсия"даги Муҳаммад Порсо таъҳидлаган Баҳоуддин Наҳш-

банднинг биринчи муқаддас каломида шундай дейилган: "Мусулмончилик – ҳукмларга бўйсуниш, тақвога риоя қилиш, амални азимат билан маҳкам тутиш, рухсатли нарсалардан иложи борича узоқ бўлиш. Бунинг ҳаммаси нур, поклик ва раҳматдир. Булар, валоят даражаларига етиш воситасидир. Авлиёуллоҳлар улуғ манзил ва мақомларга мана шу сифатларни парвариш қилиш орқали етишдилар". Маълум бўладики, Баҳоуддин Нақшбанд Абдулҳолиқ Ғиждувонийнинг амрларига амал қилиб шу даражаларга етишганлар. Шунинг учун ўз ҳаётий тажрибаларига таяниб, бу амрларни нур, поклик, раҳмат ва валоят даражасига етиш воситаси деб юксак баҳо бермоқдалар.

Абдулхолиқ Ғиждувоний Бахоуддин Нақшбанддаги истеъдод ва қобилиятни ривожлантириш мақсадида берган ўгитлардан кейин, Бахоуддин Нақшбанга Насаф шахрига томон юзланиб, Амир Сайид Кулол хизматида бўлишни амр этдилар. Бахоуддин Нақшбанд Хожаи Жахон амрларига бўйсуниб, Амир Кулол хизматига борганлар. Бахоуддин айтадиларки, Амир Кулол менга кўп илтифотлар қилдилар, лутфлар кўрсатдилар, зикр талқинини қилдилар ва нафйу исбот тарики билан зикрга машғул қилдилар. Бахоуддин таъкидлайдиларки, Абдулхолик Ғиждувоний менга амр қилганларидек, мен азимат билан амал қилдим. Амир Кулол ва шогирдларининг зикрлари алония, яъни очик, баланд овозда бўлган. Бахоуддин Нақшбанд айтадиларки, мен Абдулхолиқ Ғиждувоний ўгитларига амал қилиб, алония зикрига амал қилмадим, яъни Бахоуддин Нақшбанднинг зикрлари хуфия бўлган. Маълум бўладики, хуфия зикр хам Бахоуддин Нақшбандга Абдулхолиқ Ғиждувонийдан қолган. У киши Амир Кулолдан илмни Хожаи Жаҳон ишорат ва амрлари ила олганлар.

Абдулхолиқ Ғиждувоний Баҳоуддинни фитратида мавжуд бўлган илоҳий истеъдод ва қобилият билан таништириб, уларни камол топтиришнинг олтита йўлини кўрсатиб берганлар. Баҳоуддин Нақшбанд Хожаи Жаҳон амрлари асосида Амир Кулол ёнларига бориб, таълим олган ва ҳазрат Азизоннинг кулоҳини олиб кийиш бахтига муяссар бўлиб, илоҳий жазабага етишганлар. Баҳоуддин Нақшбанд Хожаи Жаҳон амрларига бўйсуниб, хуфия зикрга амал қилганлар. Буларнинг натижаси Баҳоуддин Нақшбандия таълимотини асослаганлар. Муҳаммад ибн Муҳаммад Баҳоуддин, Шоҳ Нақшбанд, Балогардон, Хожаи Бузург даражасига етишида Абдулхолиқ Ғиждувонийнинг хизматлари жуда улкандир.

АБДУЛХОЛИҚ ҒИЖДУВОНИЙНИНГ ВАФОТЛАРИ

Хазрат Абдулхолиқ Ғиждувонийнинг вафотларига оид турли фикрлар бор. Бу ҳақда энг кўп икки хил фикр: 1179 йилда ва 1220 йилда Ғиждувонда вафот этганлар деган маълумот мавжуд.

Мавлавий Ғулом Сарвар ибн муфтий Ғулом Муҳаммад ал – Лоҳурийнинг "Хазинат ул-асфиё" ("Мусаффо кишилар хазинаси") асарида Абдулҳолиқ Ғиждувоний вафотлари ҳаҳида шундай маълумот ёзиб қолирганлар:

Абдулхолиқ Ғиждувоний шайхи Ҳақ, Рафт аз дунё ба Фирдавси барин. Интиқолаш "офтоби комил аст", Ҳам бифармо "матлаи нури яқин". Боз "маҳбуби набийи мужтабо", Низ "тожи авлиё маҳдии дин".

Мазмуни:

Хақиқий шайх Абдулқодир Ғиждувоний, Бу дунёдан, Фирдавс жаннати сари кетди. Вафоти "офтоби комилдир", Яна "матлат нури яқин"дир. Яна " маҳбуби набийи мужтабо", Яна " тож ул-авлиё, маҳдийи дин"дур.

Бу мисраларда "офтоби комил", яъни комил қуёш, "матлаи нури яқин", яъни ишонч нурини чиқиш жойи, "маҳбуби набийи мужтабо", яъни Мустафо (с.а.в.) набийнинг маҳбуби ва "тож ул-авлиё, маҳдийи дин", яъни авлиёлар тожи ва диннинг ҳидоятга

солувчиси жумлалари, бир томондан Хожа Абдулхолиқ Ғиждувонийнинг камолот даражасига берилган таърифлар бўлса, иккинчи томондан абжад ҳисоби бўйича 575 ҳижрий йилни кўрсатади ва Хожанинг вафот йиллари 1179 йил эканлигидан далолат беради.

Хожаи Жаҳоннинг вафотлари тарихи ҳаҳида ҳуйидаги байтлар саҳланган:

Хожаи хожаҳову шайхи кибор, Он, ки ў буд қутб ул-ақтоби. Гар ту тарихи фавти ў талаби. Кун таважжуҳ ба "Хожа" то ёби.

Мазмуни:

Хожаларнинг хожаси ва улуғ шайх, Қайси ким, у қутбларнинг қутби эди. Унинг вафоти тарихини изласанг, Уни топиш учун "Хожа" сўзига эътибор қарат.

Бу тарихий байтдаги "Хожа" сўзини абжад хисобидан маълум бўладики, Абдулхолиқ Ғиждувонийнинг вафотлари хижрий 617, милодий 1220 йилда экан.

Шунингдек тарихий хужжатларда Абдулхолиқ Ғиждувонийнинг вафот йиллари тўғрисида яна қуйидаги мисралар мавжуд:

> Хожа Абдулхолиқ он қутби замон, Ғиждувонаш буд зоду мавт низ. Чунки омад вақти парвоз аз жаҳон, Гуфт ба ў хез Жаббори Азиз. Хез чун омад хитоб, ўро зи Ҳақ, Гашт тарихи вафоти Хожа "хез".



Мазмуни:

Хожа Абдулхолиқ ўз замонасининг қутби, Туғилган ва вафот этган жойи Ғиждувондир. Бу жаҳондан парвоз этиб кетиш вақти бўлганида, Жаббори Азиз, яъни Аллоҳ у кишига "Тургин" деди. Ҳақ у кишига тур, кел деб хитоб қилгани учун, Хожанинг вафот тарихи "хез" яъни, тургин бўлди.

Абжад ҳисоби билан "Хез" сўзи ҳижрий 617, милодий 1220 йил санасига тўғри келади. Бизнинг фикримизча, Хожа Абдулхолиқ Ғиждувонийнинг вафот саналари 1220 йилдир. Чунки Нажмиддин Кубро мўғул-татарлар ҳужумини фақатгина Абдулхолиқ Ғиждувонийнинг дуолари қайтара олади деб, у кишининг дуоларини олиш учун шогирдларини юборганларида йўлда улар Хожаи Жаҳоннинг вафотларини эшитадилар. Бу тарихий воқеа 1220 йилда бўлиб ўтган эди.

Саъид Нафисий "Рисолаи соҳибия" муҳаддимасида Абдулхолиқ Ғиждувонийнинг вафотларини ҳижрий 617, милодий 1220 йил эканини ёзган. Унинг фикрича, Ғиждувоний устози Юсуф Ҳамадонийдан сўнг узоҳ ваҳт ҳаёт ҡўрган. У Барҳий, Андоҳий, Аҳмад Яссавийдан кейин иршод маҳомида ўтирган. Бундан ташҳари, у ўзининг "Соҳибия" рисоласининг икки жойида ҳижрий 600, миллодий 1203 йил санасини тилга олади. Нафисий бу далил асосида таъкид этадики, Абдулхолиҳ Ғиждувоний ҳижрий 600 йилда ҳали тириҳ бўлган.

Демак, илмий далиллар асосида Хожа Абдулхолиқ Ғиждувоний 1220 йилда вафот этганлари, 117 йил узоқ ва барокотли умр кўрганликларидан далолат беради. Абдулхолиқ Ғиждувоний муборак жасадлари оналарининг оёғи томонида кўмилган. "Жаннат оналар оёғи остидадир" деган ҳадиси шариф асосида Хожа Абдулхолиқ Ғиждувоний оналарини эъзозлаб, эҳтиром этиб шогирдларига шу жойга кўмишни васият этганлар. Бу ҳам Абдулхолиқ Ғиждувонийнинг умрлари давомида мудом Қуръон ва ҳадисларга амал қилганларини кўрсатади.

Абдулхолиқ Ғиждувонийнинг муборак қабрлари ёнида улуғ аллома Мирзо Улуғбек мадраса қурдирган. Бу Абдулхолиқ Ғиждувоний каби улуғ зотни илм аҳли ва халқ нақадар эъзозлаганлигини кўрсатади.



Абдулхолиқ Ғиждувоний Хожаи Жахон номи билан машхур бўлиб, Ўрта Осиёда илк мумтоз тариқатлардан бири Хожагонни асослаганлар.

Хожагонлар тариқатида иршод бериш хуқуқига эга бўлгандан кейин Хожаи Жахон Ғиждувон қалъасига кириб келганлар. Бу хушхабар бутун қалъа халқи бўйлаб тарқалған. Бу улуғ зот зиёратига келиб кетадиганлар сони кундан-кунга кўпайиб бораверган. Бу хушхабар Хожаи Жахоннинг ота-онаси юрти бўлган Румгача бориб етди. Рум подшохи хушхабарга жавобан бир олам бойлик юборди. Олтин юкланган туя карвони Ғиждувон қалъасининг жануб томон дарвозасидан дохил бўлди.

Хожа Абдулхолиқ Ғиждувоний Рум подшохи хаққига дуойи хайр ўқиди. Карвонбошига юкларни масжиди жомеъ хужрасига туширишни буюрди.

Хожа Абдулхолик Ғиждувоний Вобкент қалъаси ўртасига Бухоро шахристонидагидек улкан минора қуриш лозимлигини оқсоқолларга етказганида, фикри маъқулланди. Усталарни ёллаб, хисоб-китобни хам бир йўла қилди. Хисоб-китобдан ортиб қолган тухфа-олтинларни намози пешингача хар бола бошига етим-есирларга бўлиб берди. 1196-98 йилларда қуриб битказилган Вобкент минорасини Садр (мансабдор) Бурхониддин Абдулазиз II қурдирган деб тарихий манбаларда ёзилган. Манбадаги далиллардан маълум бўладики, мазкур минорани қурдириш ғоясини Абдулхолиқ Ғиждувоний берганлар ҳамда қуришга лозим бўлган маблағлар ҳам Хожаи Жаҳон томонидан эхсон қилинган. 13 Ўзбекистондаги мино-

¹³ Қаранг: Мансуржон Азим Ўгли. Хазрат Бахоуддин

ралар орасида энг ихчам ва кўркам бўлган бу минора хозирги кунгача хам кўрганда кўзни кувонтиради ва фахр этиш хиссини уйғотади. Вобкент минораси курилиш тарихида Хожаи Жахоннинг муносиб хиссалари борлигини унутмаслигимиз лозим. Бу кишининг сахийликлари, ватанпарварликлари хозирги кун тадбиркорлари учун хам ибрат бўлмоғи лозим.

2003 йилда Абдулхолиқ Ғиждувоний таваллудининг 900 йиллиги кенг нишонланиб, у кишининг асарлари, у кишига доир мақомот, маноқиб, тазкиралар нашрдан чиқди, таржима этилди ва қатор илмий тадқиқотлар амалга оширилди. Абдулхолиқ Ғиждувоний таваллудининг 915 йиллиги 2020 йилда нишонланади. Бизнинг бу илмий изланишимиз шу муборак санага камтарона туҳфадир.

Абдулхолиқ Ғиждувонийнинг ҳаёт йўлларини ўқиб, ўрганиб, бу муборак зот тавсифларни ёзиб, қалбимизда шундай улуғ ва азиз инсон билан ватандош бўлганимиз учун чексиз ғурур ҳиссини туйдик. У кишининг камолот даражаларини нақадар улуғворлиги ва маҳобати олдида ҳайратда қолдик. Қалбимизда шундай инсонга муносиб авлод бўлиш ва улар ғояларини амалга ошириш йўлида камарбаста бўлиш нияти туғилди. Фарзандларимиз ва келажак авлод бу гўзал сиймога ўхшашини Аллоҳдан тилаб қолдик...



ФОЙДАЛАНИЛГАН АДАБИЁТЛАР РЎЙХАТИ

- 1. Абдулхолиқ Ғиждувоний таваллудининг 915 йиллигини ва Баҳоуддин Нақшбанд таваллудининг 700 йиллигини нишонлашга тайёргарлик кўриш ҳамда уни ўтказиш тўғрисида Ўзбекистон Республикаси Президентининг фармойиши, № Ф-4988, 11 июль 2017 йил.
- 2. Мирзиёев Ш.М. Эркин ва фаровон, демократик Ўзбекистон давлатини биргаликда барпо этамиз. Ўзбекистон Республикаси Президенти лавозимига киришиш тантанали маросимига бағишланган Олий Мажлис палаталарининг қўшма мажлисидаги нутқ. – Тошкент: Ўзбекист 96он, 2016. 56 бет.
- 3. Мирзиёев Ш.М. Танқидий таҳлилий, қатъий тартиб-интизом ва шахсий жавобгарлик ҳар бир раҳбар фаолиятининг кундалик қоидаси бўлиши керак. Мамлакатимизни 2016 йилда ижтимоий-иқтисодий ривожлантиришнинг асосий якунлари ва 2017 йилга мўлжалланган иқтисодий дастурнинг энг муҳим устивор йўналишларига бағишланган Вазирлар Маҳкамасининг кенгайтирилган мажлисидаги маъруза, 2017 йил 14 январ. Тошкент: Ўзбекистон, 2017. 104 бет.
- 4. Мирзиёев Ш.М. Қонун устуворлиги ва инсон манфатларини таъминлаш юрт тараққиёти ва халқ фаровонлигининг гарови. Ўзбекистон Республикаси Конституцияси қабул қилинганининг 24 йиллигига бағишланган тантанали маросимидаги маъруза. 2016 йил 7 декабр. Тошкент: Ўзбекистон, 2017. 48 бет.
- 5. Мирзиёев Ш.М. Буюк келажагимизни мард ва олижаноб халқимиз билан бирга қурамиз. Мазкур ки-

тобдан Ўзбекистон Республикаси Президенти Шавкат Мирзиёевнинг 2016 йил 1 ноябрдан 24 ноябрга қадар Қорақалпоғистон Республикаси, вилоятлар ва Тошкент шахри сайловчилари вакиллари билан ўтказилган сайловолди учрашувларида сўзлаган нутқлари ўрин олган. – Тошкент: Ўзбекистон, 2017. 488 бет.

- 6. Каримов И.А. Тарихий хотирасиз келажак йўқ. Т.: Шарқ, 1998.
- 7. Каримов И.А. Оллох қалбимизда, юрагимизда. Т.: Ўзбекистон, 1999.
- 8. Каримов И.А. Юксак маънавият-енгилмас куч. Т.: "Маънавият", 2008.

Абдулхолиқ Ғиждувонийнинг асарлари ва таржималари

- 1. Абдулхолиқ Ғиждувоний. Одоб ут-тариқат. ЎзР ФА ШИ,инв.№5765/ IV.
- 2. Абдулхолиқ Ғиждувоний. Рисолаи васоё. ЎзР ФА ШИ, инв. №12327
- 3. Абдулхолиқ Ғиждувоний. Ибтидоий жомиъ ул-калон. (Васиятнома) ЎзР ФА ШИ, инв. №3039/IV
- 4. Абдулхолиқ Ғиждувоний.Маноқиби Хожа Юсуф Хамадоний. ЎзР ФА ШИ, инв. №1344/VIII
- 5. Абдулхолиқ Ғиждувоний. Васиятнома.ЎзР ФА ШИ, инв.№ 3711/XV
- 6. Аз гуфтори Абдулхолиқ Ғиждувоний. Ўзр ФА ШИ, инв. №1494/IV
- 7. Хожа Абдулхолиқ Ғиждувоний. Васиятнома. // Масъул муҳарир: Хуршид Даврон. / Т.: Адабиёт ва санъат нашриёти, 1993.-14-15-б.

- 8. Абдулхолиқ Ғиждувоний. Васиятнома. // Ибодат Ражабова. Бухоронур ёки етти пир. Бухоро: "Бухоро", 2012.-153-154-б.
- 9. Абдулхолиқ Ғиждувоний. Одоби тариқат. //Хожа Абдулхолиқ Ғиждувоний. Таржимон Маҳмуд Ҳасаний. / Т.: "Ўзбекистон", 2003. 97-101-б.
- 10. Хожа Абдулхолиқ Ғиждувоний. Сўзбоши, таржима, луғат ва изоҳлар муаллифи Маҳмуд Ҳасаний. Т.: "Ўзбекистон", 2003 й.
- 11. Абдулхолиқ Ғиждувоний. Рисолаи соҳибийа (ёки Мақомоти Хожа Юсуф Ҳамадоний) / Зикри қалб султони. Бухоро: "Бухоро", 1993. 153-185-бетлар.
- 12. Хожа Абдулхолиқ Ғиждувоний. Мақомоти Юсуф Ҳамадоний./ Таржимонлар: С.Сайфуллоҳ ва Н.Хасан. Т.: "Янги аср авлоди", 2003. 9-31-бет.
- 13. Хожа Абдулхолиқ Ғиждувонийнинг айтганларидан. Хожа Абдулхолиқ Ғиждувоний. Таржимон Маҳмуд Ҳасаний. / Т.: "Ўзбекистон", 2003. 112-121-б.
- 14. Абдулхолиқ Ғиждувоний. Васиятнома. // Мусохонхожа Даҳбедий. Зубдат ул-ҳақойиқ. Таржимон. К.Каттаев. / Комилхон Каттаев. Тасаввуф алломалари Т.: Ғафур Ғулом номидаги нашриёт. НМИУ, 2017 й. 208-209-б.

Абдулхолиқ Ғиждувоний ҳақида маълумот берувчи манбалар ва уларнинг таржималари

- 1. Ориф Ревгарий. Орифнома. Қўлёзма. Муаллиф кутубхонасида.
 - 2. Абдурахмон Жомий. Нафахот ул-унс. Лакнау 1399.
- 3. Абдураҳмон Жомий. Рисолаи тариқаи хожагон. ЎзР ФА ШИ, инв. №8825/ III

- 4. Алишер Навоий. Насойим ул-муҳаббат. ЎзР ФА ШИ, инв. №5420
- 5. Аҳмад Хожаги Косоний. Рисолаи чаҳор калима. ЎзР ФА ШИ, инв. №501-XVI
- 6. Муҳаммад Порсо. Фасл ул-хитоб. ЎзР ФА ШИ, инв. №1466
- 7. Муҳаммад Дорошукуҳ. Сафинат ул-авлиё. Конпур.1900.
- 8. Муҳаммад Тоҳир Эшон.Тазкираи Нақшбандия. ЎзР ФА ШИ, инв. №855/II
- 9. Фахруддин Али Сафи. Рашахот айн ул-ҳаёт. ЎзР ФА ШИ, инв. №1788.
- 10. Шайх Аҳмад Бухорий. Маслак ул орифин. ЎзР ФА ШИ қўлёзма инв №3701.
- 11. Шаҳобиддин ибн бинту Амир Ҳамза. Мақомоти Амир Кулол. Тошкент: Ильин, 1328 ҳ.й.
- 12. Ҳазиний. Жавоҳир ул-аброр мин анвож улбаҳор. Туркия. Кайзерий, 1995.
- 13. Хожа Муҳаммад Ориф ар-Ревгарий. Орифнома. // Таржимонлар. Садридин Салим Бухорий, Исроил Субҳоний. / Т.: Наврўз, 1994.
- 14. Алишер Навоий. Насойим ул-муҳаббат. Хожа Абдулхолиқ Ғиждувоний. М.А.Т. 17 том. Т.: 2001. 253-255-б.
- 15. Фазлуллох ибн Рўзбехон. Манокиби Хожа Абдулхолик Ғиждувоний. // Хожа Абдулхолик Ғиждувоний. Таржимонлар: М.Хасаний, М.Раззокова ва Г. Музаффарова. Т.: "Ўзбекистон", 2003. 17-48-б.
- 16. Мақомоти Хожа Абдулхолиқ Ғиждувоний. // Хожа Абдулхолиқ Ғиждувоний. Таржимонлар: М.Ҳасаний, М.Раззоқова ва Г. Музаффарова. Т.: "Ўзбекистон", 2003. 51-72 б.

Fиждувоний. Таржимонлар: М.Хасаний, М.Раззоқова ва Г.Музаффарова. Т.: "Ўзбекистон", 2003. 73-92-б.

- 19. Аҳмад ибн Маҳмуд Бухорий. "Муъин ал-фуқаро". Тарихи Муллозода (Бухоро мозорлари зикри) Абу Тоҳирҳўжа Самарқандий. Самария. Т.: "Янги аср авлоди", 2009.
- 20. Сайид Аҳмад Васлий. Назм ус-силсила. Тош-кент: "Янги аср авлоди", 2001. 119 б.
- 21. Носир-ад-дин Тўра ибн Амир Музаффар ал Қанафий ал-Бухорий. Хожа Баҳо-ад-дин Нақшбанд ва у киши ҳазратларининг устозлари ҳамда муридлари. Илмий-оммабоп тўплам. Таржимон: Б.Қазоқов. Бухоро: 1993.
- 22. Фахриддин Али Сафий. Рашахот: (Оби ҳаёт томчилари): Тарихий-маърифий асар. Табдил ва сўнгсўз муаллифи: М.Хасаний. Т.: Абу Али Ибн Сино номидаги тиббиёт нашр., 2003. 536 б.
- 23. Хожаи Жаҳон Хожа Абдулхолиқ Ғиждувоний. Таржимонлар: М.Ҳасаний, Г.Музаффарова. Т.: "Наврўз", 1994.

Абдулхолиқ Ғиждувоний ҳақида маълумот берувчи илмий тадқиқотлар натижалари

- 1. Авлиякулов Н.Х. Нақшбандия таълимоти жаҳон цивилизация ривожланиши баёнида. Т.: "Fan va texnologiya", 2018. 60 б.
- 2. М.Н.Болтаев. Хўжа Абдулхолиқ Ғиждувоний инсондўст ҳаким, рифъат шайх. // Бухоро: 1994. 50 б.
- 3. Имом Исмоил ал-Бухорий. Жомеъ ас-саҳиҳ. Т.1-4.Т.: 1994.
- 4. Инайят-хан. Суфийское послание о свободе духа. Москва.1914.
- 5. Ислом. Энциклопедия:. А-Х / Шайх Абдулазиз Мансур тахрири остида Т.: "Ўзбекистон миллий энциклопедияси". Давлат илмий нашриёти, 2017.
- 6. Комилхон Каттаев. Тасаввуф алломалари Т.: Ғафур Ғулом номидаги МНИУ, 2017. 320 б.
- 7. Комилов Н. Тасаввуф. Т.: "Movarounnahr" "O'zbekiston", 2009.
- 8. Мансуржон Азим Ўғли. Ҳазрат Баҳоуддин Нақшбанд. Т.: "Sano-standart", 2015. 96 б.
- 9. Маънавият юлдузлари. Т.: Халқ мероси, 1999. 396 б.
- 10. Мухлис Намангоний. Тухфат-ул обидин. Нашрга тайёрловчи Фурқат Ниёз Шофирконий. Бухоро: Наврўз, 2000.
- 11. Муҳаббат тароналари: рубоийлар. Форс тилидан Эргаш Очилов таржимаси. Т.: "Шарқ" 2005. 129-134-бетлар.
- 12. Наврўзова Г.Н., Шарипова О.Т. Абдулхолиқ Ғиждувоний. Комил инсон тарбияси ҳақида. Бухоро: "Бухоро", 2000. 166 б.

- 13. Наврўзова Г.Н. Нақшбандия камолот йўли. Т.: "Фан", 2007. 190 б.
- 14. Наврўзова Г.Н. Бахоуддин Нақшбанд. Бухоро: Фалсафа ва хукук институти, 2009. 174 б.
- 15. Наврўзова Г.Н., Нурматова Н. Юсуф Хамадоний етти пирнинг табаррук устози Т.: "MASHHUR PRESS", 2016.
- 16. Наврўзова Г. "Назар бар қадам" ҳаётбахш ғоя. // Мулоқот. 2003-№3, 38-40-бетлар.
- 17. Наврўзова Г. Назар бар қадам. // Мулоқот. 2004 №5, 23-25-бетлар.
- 18. Наврўзова Г. Нақшбандия тасаввуфий таълимоти ва баркамол инсон тарбияси. Т.: "Фан", 2005. 232 б.
- 19. Наврўзова Г. Юсуф Хамадонийнинг инсон камолотига оид ғоялари. // Имом ал-Бухорий сабоқлари. 2006 N° 3, 198-201-бетлар.
- 20. Наврўзова Г. Бухородаги Юсуф Хамадоний ирфоний мактаби. // Бухоро мавжлари. 2007 − N° 3, 32–34-бетлар.
- 21. Наврўзова Г., Зоиров Э.Х., Юнусова Г. Тасаввуфда инсон ва унинг камолоти масаласи. Т.: "Фалсафа ва хукук институти", 2006. 133 б.
- 22. Наврўзова Г., Юнусова Г. Ўзликни англашда хотиранинг ўрни ва роли. Т.: "Чашма Принт", 2013, 125 б.
- 23. Нақшбандия таълимоти ва миллий маънавиятимиз. Бухоро: 2008. 103 б.
- 24. Намозов Б. Хожа Муҳаммад Порсонинг фалсафий таълимоти. Тошкент: "Мумтоз", 2015.
- 25. Ориф Усмон. Ғиждувоний таълимоти. Т.: "Фан", 2003. 24 б.

- 27. Ориф Усмон. Хожа Абдулхолиқ Ғиждувоний. / Нақшбандия таълимоти ва миллий маънавиятимиз. Бухоро: 2008. 15-24-бетлар.
- 28. Рафиддинов Сайфиддин. Шайх Аҳмад Бухорий ва унинг "Маслак ун-орифин" асари. / Нақшбандия таълимоти ва миллий маънавиятимиз. Бухоро: 2008. 54-56-бетлар.
- 29. Садриддин Салим Бухорий., Самад Азимов. Хожаи Жахоним бор. –Бухоро: "Бухоро", 2003. 94 б..
- 30. Садриддин Салим Бухорий. Ҳазрат Баҳоуддин Нақшбанд. Т.: Ўқитувчи, НМИУ. 2007. 120 б.
- 31. Садриддин Салим Бухорий. Баҳоуддин Нақшбанд ёки етти пир. Т.: "Наврўз", 2017. 46 б.
- 32. Садриддин Салим Бухорий. Баҳоуддин Нақшбанд ёки етти пир. Тошкент: "Янги аср авлоди", 2003. 23 б.
- 33. Садриддин Салим Бухорий, Самад Азимов. Буюк ғиждувонийлар. (Авлиё ва алломалар) Бухоро: "Бухоро" нашриёти, 2006.
- 34. Садриддин Салим Бухорий, Самад Азимов. Қазрат Боязид Бастомий ёки Навоий вилояти зиёратгоҳлари. Бухоро: "Бухоро" нашриёти, 2010, 207 б.
- 35. Садриддин Салим Бухорий. Бухоронинг табаррук зиёратгохлари. Т.: "Navro'z", 2015. 360 б.
- 36. Сайфиддин Сайфуллох, Нодирхон Хасан. Хожагон нақшбандия машойихлари. Хожа Абдулхолиқ Ғиждувоний. Мақомоти Юсуф Хамадоний. Т.: "Янги аср авлоди", 2003. 31-76-б.

- 38. Тримингэм Ж.С. Суфийские ордены в исламе // Перевод с англ. А.А.Ставиской, под редакцией с предисл. О.Ф.Акимугкина. Москва: Наука. Глав. ред. вост. лит-ры, 1989.
- 39. Файзуллаев О. Нафс, жон ва рух (Қуръон, тасаввуф ва фандаги талқинлари) Т.: Akademiya, 2005.
- 40. Фотима Тимур. Кўнгил дўстлари. Бирнчи китоб. Йўлдош Эшбек таржимаси. Т.: "Мовароуннахр", 2004. 140 б.
- 41. Хожаи Жаҳон тасввуфий таълимоти: ворисийлик ва маънавий тараққиёт. Т.: 2003.
- 42. Шарипова О. Абдулхолиқ Ғиждувоний ҳаёти ва тасаввуфий мероси. Т.: "Фан", 2008. 118 б.
- 43. Шайх Муҳаммад Содиқ Муҳаммад Юсуф. Та-саввуф ҳақида тасаввур. Т.: "HILOL-NASHR", 2016. 296 б.
- 44. Ҳасаний М., Раззоқова М. Хожа Абдулхолиқ Ғиждувоний. "Мозийдан садо" журнали. 2002.-N 1.-24-бетлар.
- 45. Ҳасаний М., Раззоқова М. Ғиждувоний ҳақидаги рисола ва мақолалар. Т.: "Фан", 2003. 23 б.
- 46. Ҳасаний М., Қиличева К. Ғиждувоний илм аҳллари хотирасида. Т.: "Фан", 2003. 50 б.
- 47. Ҳасаний М., Раззоқова М. Хожагон тариқати ва Хожа Ҳасан Андоқий. Т.: 2003. 47 бет.
- 48. Хомидий Х. Тасаввуф алломалари. Т.: "Шарқ", 2004. 208 б.
- 49. Қодиров Д., Мавлонова Ў., Нақшбандия тариқати силсиласи ва тасаввуф алломаларининг маънавий хислатлари. Т.: "Наврўз", 2017. 280 б.



- 50. Қосимов У. Хожа Абдулхолиқ Ғиждувоний. Хожагон мактаби нақшбандия таълимоти рашҳаларнинг психологик жиҳатлари. Бухоро: "Бухоро", 2002. 59 б.
- 51. Қосимов У. Хожа Абдулхолиқ Ғиждувоний. Хожагон тариқати рашҳаларининг психологик жиҳатлари. Бухоро: "Бухоро", 2002. 84 б.
- 52. Қуръони Карим. Алоуддин Мансур таржимаси. Т.: 2001.
- 53. Ғафуров Ғ. Шарқ жавоҳирлари. Т.: "Маънавият", 2000. 184 б.



Кириш	3
Хожаи жаҳон тавсифи	
Туғилишга оид кароматлар	
Сабоқ берган устозлар	13
Маънавий мероси	
Хожагон таълимоти асосчиси	23
Хожаи жахоннинг тўрт хаётбахш рашхалари	32
Хаётбахш ўгитлари	
Хожаи Жахон рубоийлари	
Тасаввуфга оид айтганлари	
Устозга эхтиром	
Ибратли ривоятлар	
Шогирд эътирофи	
Бахоуддин Нақшбанднинг рухий устози	
Абдулхолиқ Ғиждувонийнинг вафотлари	
Хулоса	
Фойдаланилган адабиётлар рўйхати	97
T F J	

Илмий-оммабоп нашр

Гулчехра НАВРЎЗОВА

АБДУЛХОЛИҚ ҒИЖДУВОНИЙ

(Монография)

Ношир ва муҳаррир:

О. Муҳаммадиев

Мусаххих ва техник мухаррир:

О. Джураев

Сахифаловчи-дизайнер:

М. Шукуров

Лицензия: АІ № 132. 14 март 2009 й.

"Имом Бухорий халқаро маркази" нашриёти. Самарқанд вилояти, Пайариқ тумани, Хўжа Исмоил шаҳарчаси. Тел.: (0366) 240-2019.

E-mail: buxoriy saboqlari@mail.ru

Босишга рухсат этилди: 19.09.2020 йил. Бичими: $60x84 \, ^{1}/_{32}$. "РТ Serif" гарнитурасида офсет босма усулида босилди. 6.25 шарт. б.т. 6.0 ҳисоб нашр. таб. Адади 5 000 нусха 19/09-сон буюртма.

«RELIABLE PRINT» МЧЖ босмахонасида чоп этилди. Тошкент ш. Чорсу майдони, 3-А уй.